

ጾኑሲ ማድ"ሞ ዲኪንቴ ጳውሎስ ቆሮንቶስ ዓሶሞ ዲኬ ቤርታሳ ኪኢቶ'"'" ዓይያ ካሮ"

ጳውሎስ ቆሮንቶስ ዓሶሞ ፃኣፔ ቤርታሳ ኪኢታ" ፃኣፒንቴህ ዓይጎሮዳይ ጌዔቴ ጳውሎስ ቆሮንቶስይዳ ዔቁሴ ሺኢጲያ ማኣሮይዳ ኪሪሰቶስ ጉሙርቂ ናንጎ ናንጎና ኪሪሰቶስ ጉሙርቂያና ዛሎ" ዔቁሜታሳ ጌኤዞ ጊኢጊሾንዶ ጎይህ ኮዓኒኬ። ቆሮንቶስ ዬኖ ዎድ"ና ዓጮ" ቢያህረ ማዔ ጊሪኬ ዓጪ ካታማኬ፤ ሓህ ዓካይያ ጌይንታ ሮሜ ዓጮ" ዴማ" ዓኣ ዓጩሎኮዎ ዴኤፒ ካታማኬ። ዬና ካታሚላ ሚርጌ ኮርሞ ኮርሚንታያ፣ ዓሳ ዴማ ዴማ ጎይህ ናንጋያ ጊንህ «ፑርታኬ፣ ኮሺኬ» ጎዎ ባኣዚ" ባኣያ ሃህ ዴማ ዴማ ካኣሺ ዲቢ ዓኣ ቤሲኬ።

ጳውሎስ ባሺ ዔርዛኒ ኮዓህ ሺኢጲያ ማኣሮ ዓሶ ባኣካ" ዓኣ ፓቂንቲያና «ፑርታኬ፣ ኮሺኬ» ጋዓ ማሊህ ባኣያ ናንጊያ ዛሎ"፤ ዬያጉዲ ሃህ ዓኒ፣ ማቾ ማዒባኣያና ላሂህ ዛላና ዔፒ ዛላ፣ ዓሶኮ ማሊያይዳ ዓኣ ጾኡጪህ፣ ሺኢጲያ ማኣሮ ዓሳ ዎርቃንዳ ዎጌ ዛላ፣ ዓያና ጌኤሺዳፓ ዒንጊንታ ዴማ ዴማ ዒንጊያ ዛሎ"ና ሃይቢዳፓ ዔቁህ ዛላኬ። ኮኩ ሃይሳ ዬንህ ጾኡጪያንህኮ ማሂ ኬኤዛ ማሊያ ዒዚ ኮሺ" ፔጋሲ ኬኤዛኬ።

ጾኑሲ ፔ ዴሮ"ሞ ዒንጌ ዒንጊያይዳፓ ቢያ ናሹሞ ባሺ ማዔህ ዔርዛ፣ ዓይ. 13 ሃኖ" ማፃኣፖይዳ ሚርጌና ዔርታ ቤሲ ማዓንዳኔ ጌይንታኔ።

ማፃኣፔላ ዴማ ዴማ ዓርቁ ባኮ

- ዓይያ ካሮ" 1፡1-9
- ሺኢጲያ ማኣሮ ዓሶ ባኣካ" ማዢንቴ ዴሙሞ 1፡10—4፡21
- ዓኒ ሃህ ማቾ ማዒባኣያና ላሂህ ዛላና ማኣሪ ዓሲና ዛላ 5፡1—7፡40
- ኪሪሰቶስ ጉሙርቃ ዓሶና ጉሙርቁዎ ዓሶና ዛላ 8፡1—11፡1
- ሺኢጲያ ማኣሮ ዓሶ ናንጎና ጾኑሲ ካኣሽኮንዶ ጎይህና 11፡2—14፡40
- ሓይቢፓ ዔቁህ ዛላ 15፡1-58
- ኪሪሰቶስ ጉሙርቃ ዓሳ ዒንጋኒ ኮይሳ ማኣዳህ 16፡1-4
- ጳውሎስ ፔ ዛላ ኬኤዜ ባኣዚ"ና ጋፒንህ ሃይሴ 16፡5-24

1 ያኑሲ ማለሂና ዩሱስ ኪሪስቶስም ዳኪንቲ ማዲያ ማዲ፥ ዔኤሊ "ንቴ ጳውሎስና ኑ ዒሻሂ ሶስቴንሴናይዲ፤

2 ዩሱስ ኪሪስቶስና ዋላ" ዔያቶኮ ዓኣ ፔቱሞና ዔያቶና ኑኡናናኮ ጎዳ ማዔ፥ ኑ ጎዳሂ፥ ዩሱስ ኪሪስቶስ ቢያ ቤዛ ካኣሽካ ኪሪስቶስ ጉሙርቃ ዓሶና ዋላ" ያኑሲም ዲማዴ ዴሬ ማዓንዳጉዲ ዔኤሊ "ንቴ ቆርንቶስይዳ ዓኣ ኪሪስቶስ ጉሙርቃ ዓሶም ቢያ፥

3 ኑ ዓዳሂ፥ ያኣዛሂና ኑ ጎዳሂ፥ ዩሱስ ኪሪስቶስናይዲ፤ ዒንገንታ ዒንገይና ኮሹሞና ዒንሂም ማያንጎ።

ጳውሎስኮ ያኑሲ ጋላቲያ

4 ዩሱስ ኪሪስቶስ ዛሎ"ና ያኑሲ ፔኤኮ ኮሹሞ ዒንገይ ዒንሂም ዒንገሂሮ ዒንሂ ዛሎ"ሮ ቢያ ዋዴ ታ ዒዛ ጋላታኑ። 5 ዓይጎሮ ጌዔቴ ጌኤሲና ሃሣ ዔራቶና ኪሪስቶስና ማዲ ዒንሂ ማርጌ ባኣዚ" ዔራሂሮኬ። 6 ኪሪስቶስ ዛሎ" ኑ ዒንሂም ማርካዴ ማርካታ" ዒንሂኮ ዒና" ደዲ ዓኣኑ። 7 ዩያሮ ኑ ጎዳሂ፥ ዩሱስ ኪሪስቶስኮ ሙኪያ ካፒ ካፒ ዒንሂ ናንጌቴ ዓይጎጉዴ ዓያና ዒንገሂ ማዔቴያ ዒንሂም ፓጫዓኬ፤ 8 ኑ ጎዳሂ፥ ዩሱስ ኪሪስቶስ ማዲ ሙካ ኬሎ"ና ደንኪሳ ባኣዚ" ባኣያ ማዲ ዒንሂ ጴዳንዳጉዲ ዒዚ ዒንሂ ጋፒንያ ሄላ"ንዳኣና ደዲ ናንጋንዳጉዲ ማሃንዳኑ። 9 ፔኤኮ ናዓሂ፥ ኑ ጎዳ፥ ዩሱስ ኪሪስቶስና ዋላ" ፔቱሞ ዒንሂኮ ዓኣያ ማዓንዳጉዲ ዒንሂ ዔኤሊ" ያኣዛሂ ጉሙርቁንቴያኬ።

ቆርንቶስ ሺኢጲያ ማኣሮ ዓሶ ባኣካ" ማዢንቴ ዲማዲያ

10 ታ ዒሾንሦ፥ ታ ሚሾንሦ! «ዒንሂ ባኣካ" ዲማዲሂ ጴዳ፤ ቢያሂ ዋላ" ጊኣጊ፥ ፔቴ" ማለሂና ፔቴ" ዒናና ዓኣያ ማዲ ደዲ ናንጉሞቴ» ጌይ ኑ ጎዳሂ፥ ዩሱስ ኪሪስቶስ ሱንጎና ታ ዒንሂ ሺኢቃኑ። 11 ታ ዒሾንሦ፥ ታ ሚሾንሦ! ዒንሂ ባኣካ" ማርሞና ፓቁንቲሂና ዓኣሂ ቁሎዔ ማኣሮ ዓሶይዲ፤ ታ ዋይዜኑ። 12 ታ ዋይዜ ጎይያ ዒንሂ ፔቴ" ፔቴ"ሂ፡- «ታኣኒ ጳውሎስ ዓሲኬ፤ ታኣኒ ዓጲሎስ ዓሲኬ፤ ታኣኒ ኬፓ * ዓሲኬ» ጋዓዛ፥ ዛላ"- «ታኣኒ ኪሪስቶስ ዓሲኬ» ጋዓኑ፥ ጋዓያኬ። 13 ሂዳያ ኪሪስቶስ ፓቁንቴኑ ጌይሂዳ? ጳውሎስ ዒንሂ ዛሎ" ሱዳንጉ ሃይቁያ? ሃሃ ዒንሂ ዋኣያ ማሰቴህ ጳውሎስ ሱንጎናዳ?

14 ታኣኒ ቁሪስጲስና ጋይኖሴናይዲ፤ ዓታዛ ዒንሂዲ፤ ያናኣ ዋኣሂና ማሰኪባኣሂሮ ያኑሲ ታ ጋላታኑ። 15 ዩያሮ «ጳውሎስ ሱንጎና ታ ዋኣያ ማሰቴኑ» ጌዒ ኬኤዛንዳይ ዒንሂዲ፤ ባኣሴ።

* 1:12 ኬፓ- ጌይያ ጌሪኬ ዓሶ ሙኡጮና «ጲዳሮ» ጌይሂኬ። 1:12 ዳኪ. ማዲ" 18፥24። 1:14 ዳኪ. ማዲ" 18፥8፤ 19፥29፤ ሮሜ 16፥23።

16 ጎኔኬ፤ ዒሲዲ፣ ማእሮ ዓሶ ታ ማሰኬ፤ ያቶይዳ፣ ዓታዛ ማላ" ዓሲ ታ ማሰኬያ ዓኣሢ ታኣም ዔርቱዋሴ። 17 ከሪሰቶሴ ታና ደኬሢ፣ ዒዛኮ ኮዠ ሃይሶ ቃኣሎ" ኬኤዛንዳ፣ ኬኤ፤ ዋኣሢና ታ ማሰኬያ፣ ከሪሰቶሴኮ ፑርቶ ዓሶ ሱፆ ማፆ ሱዲንቲ ሃይቁፆ ጉሪ ማዒ ዓቱዋ፣ ዒዛኮ ኮዠ ሃይሶ ቃኣሎ" ታ ኬኤዛሢ ዓሲዳ፣ ማዒ፣ ጌኤሲ ዔራቶናቱዋሴ።

ከሪሰቶሴኮ ያኦሲ ዋልቆና ዔራቶና ማዒያ

18 «ከሪሰቶሴ ፑርቶ ዓሶ ሱፆ ማፆ ዑፆ ሱዲንቲ ሃይቁፆ» ጋዓ ቃኣላ" ባይቃኒ ጊኢጌ ዓሶም ዔኤያቶ ማዒ ዛጊንታ፤ ኑና ደቃ ዓሶም ጋዓንቲ ያኦሲ ዋልቁኬ። 19 ዓይጎሮ ጌዔቴ፡-

«ዔሮ" ዓሶኮ ዔራቶ" ታ ባይዛንዳ፤

ዑሣ ዓኣጳ ዔሮ"ኮ ዔራቶ" ታ ጉሪ ማሃንዳ፤» ጌይንቲ ፃኣ፣ ጌይንቲሢ።

20 ዓኣሪ ዔራ"ሢ ዋካ ዓኣይ? ዑሣ ዓኣጳ ዔራሢያ ዋካዳይ? ሃሣ ሲያ ባኮ ዛጊ፣ ደማሲ ዔራሢያ ዋካ ዓኣይ? ያኦሲ ሃያ ዓጮ" ዔራቶ" ዔኤያቶ ማሃባኣዓዳ?

21 ሃያ ዓጮ" ዓሳ ፔ ዔራቶና ያኦሲ ዔራሲ ዳንዳዑዋ፣ ደ፣ ያኦሲ ፔ ዔራቶና ዔያታ ዔራዋ፣ ማሄ፤ ጋዓንቲ ዓጮ" ሃያም ዔኤያቶ ማዒ ፓይዲንቲ፣ ኑ ኬኤዛ ኮዠ ሃይሶ ከኢታ" ጉሙርቃዛንሢ ደቁሻንዳ፣ ያኦሲ ማላሢ ማዒ። 22 ዒንሢ ዔራሢ፣ ዓይሁደ ዓሳ ያኦሲ ዋልቆና ማዲንታ ዓከ ባኣዚ" ዛጋኒ ኮዓ፤ ሃሣ ዓይሁደ ማዒባኣ ጊሪኮ ዓሳ ዔራቶ ዔራሲ ኮዓ። 23 ኑኡኒ ጋዓንቲ ሱዲንቲ ሃይቁ ከሪሰቶሴ ዛሎ" ኬኤዛ፤ ዩይ ኑኡኒ ኬኤዛ ሃይሳ፡- ዓይሁደ ዓሶም ዔርቶ ዒዲ ደቢሻያና ዓይሁደ ማዒባኣ ጊሪኬ ዓሶም ዔኤያቶ። 24 ያኦሲ ዔኤሌ"፣ ዓይሁደ ማዒ፣ ዓይሁደ ማዒባኣ ጊሪኬ ዓሶም ጋዓንቲ ከሪሰቶሴ ያኦሲኮ ዋልቆና ዔራቶና። 25 ዋይቲ ጌዔቴ ያኦሲ ዔኤሌ፤ ጎዞ፣ ዩይ ዓሲ ዔራቶይዳ፣ ባሽኬ፤ ሃሣ ያኦሲ ላላቤ፤ ጎዞ፣ ዓሲ ዋልቁይዳ፣ ባሽ ማዒሢ።

26 ታ ዒሻንሣ ታ ሚሻንሣ! ያኦሲ ዒንሢ ዔኤላ" ዋደ"ና ዒንሢ ዋዘ፣ ዓሲታቴ ሂንዳ ማሉዋቴ፤ ዓሲ ማላ ጎይሢና ዒንሢ ባኣካ" ሚርጌሢ ዔራ ዓሲ፣ ዋልቆና ዓኣ ዓሲ ሃሣ ዴኤ፣ ጌይንታ ዓሲ ባኣሴ። 27 ጋዓንቲ ያኦሲ ዔሮ" ዓሶ ቦርሲሳኒ ዓጮ"ይዳ ዔኤያኬ ጎፆ ዓሶ ደኣሬ፤ ሃሣ ዋልቆና ዓኣ ዓሶ ቦርሲሳኒ ዓጮ"ይዳ ላቤ"ያ ማዒ ፓይዲንታዛንሢ ደኣሬ። 28 ዓጮ" ዓሶም ቦንቸንቲያ ማዒ

1:16 1ቆሮ. 16፣15። 1:19 ዒሲ. 29፣14። 1:20 ዒዩ. 12፣17፤ ዒሲ. 19፣12፤ 33፣18፤ 44፣25።

ጴዳ ባኮ ባይዛኒ ዓጮ"ይዳ ቦሂንቴያ፣ ጉሪ ማዕያ ሃሣ ቤሲ ባኣ ባኮ ደኦሬኔ። 29 ይያ ያኦሲ ማዳሂ' ዓይጎ ዓሲያ ዒዛ ቤርታ ያቶርቁዋጉዲኬ፤ 30 ዒንሂ ጋዓንቴ ያኦሲ ዩሱስ ኪሪሰቶሴና ዎላ" ፔቱሞ ዓኣያ ማዓንዳጉዲ ማሄኔ። ዩያሮ ኦኦኮ ዔራታ"፣ ዲሎ"ማ፣ ኦኦኮ ያኦሲም ደማዴያ ማዒፃ፤ ሃሣ ኦና ዳቁሻያ ማዓሂያ ዩሱስ ኪሪሰቶሴ ማዓንዳጉዲ ያኦሲ ማሄኔ። 31 ዓካሪ ጌኤዢ ማፃኣገ ጋዓሂጉዲ፡- «ያቶርቃሂ ያኦሲና ያቶርቆንጎ» ጌዔኔ።

2

ኪሪሰቶሴኮ ሱዲንቶ ዛሎ"

1 ታ ዒሾንሦ! ታ ሚሾንሦ! ታኣኒ ዒንሂ ኮይላ" ሙኬያና ያኦሲኮ ዓኣሺንቴ ማሊያ * ታ ዒንሂ ዔርዘኔ፤ ታኣኒ ሓይሴ ዔሪ ጌሰታያ ማዔሂና ታኣኮ ዓኣ ዔራቶና ዒንሂም ዳዋኒ ታ ኮዒባኣሴ። 2 ዓይጎሮ ጌዔቴ ዒንሂና ታ ዓኣ ዎድ"ማና ዩሱስ ኪሪሰቶሴ ዛሎ"ና ሃሣ ዒዛኮ ሱዲንቴ ሃይሶ" ዛሎ"ይዳገ ዓታዛ ሜሊ" ዓይጎዎ ዔራዎያ ማዓኒ ታ ማሊሂሮኬ። 3 ዩያሮ ዒንሂ ኮራ ታ ዓኣ ዎድ"ና ላቤ" ዓሲ ማዒ፣ ዒጊቹሞና ሚርጌ ጎጋይቁሂናይዳ ታ ዓኣያ ማዔኔ። 4 ታኣኒ ኬኤዘሂታቴያ ዔርዘ ቃኣላ" ያኦሲ ዓያናና ማኣዲ"ንቴ ማዓንዳኣገዓቴሞ ዓሲ ዔራቶና ዑሣ ዓኣዴ ዔራቶና ሃሣ ሃይሴ ኮሺ"ሂናቴዋሴ። 5 ዩያ ታኣኒ ማዳሂ ዒንሂኮ ያኦሲ ጉሙርቁፃ ዓሲ ዔራቶና ማዒባኣያ፣ ያኦሲ ዎልቁና ማዔያ ማዓንዳጉዲኬ።

ያኦሲ ዔራቶ

6 ጋዓንቴ ዓያና ናንጎና ዶዴ ዓሶም ዔራቶና ኦ ኬኤዘኔ፤ ኦኦኒ ኬኤዘ ዔራታ"፡- ሃያ ዓጮ" ዔራቶ ሃሣ ጋፒንፃ ባይሲንታ ማዔ፣ ሃያ ዓጮ" ዎይሣ ዓሶ ዔራቶናቴዋሴ። 7 ኦኦኒ ኬኤዘ ዔራታ" ጋዓንቴ ያኦሲ ቤርታዲ ሚርጌ ዎዴኮ ቤርታኣገ ኦ ቦንቾም ጌዒ ጌኢጊሺ፣ ያኦሲኮ ዓኣሺንቴ ዓኣ ዔራቶኬ። 8 ሓያ ዓጮ" ዎይሣ ዓሶ ባኣካ"ገ ዩያ ዔራቶ ዔሬይ ያኦኒያ ባኣሴ፤ ዎንዴ ዔያታ ዩያ ዔሬያ ማዔቴ ቦንቾንቴ፣ ጎዳሂ ሱዲ ዔያታ ዎዲንዳዎያታንቴኬ። 9 ዩይ ያዲ ማዔቴያ ጌኤዢ ማፃኣገ፡-

«ዓሲኮ ዓኣፒ ዴንቁባኣያ
 ዎይዚ ዎይዚባኣያ
 ሃሣ ዒናኣ ማሊባኣያ
 ያኦሲ ዒዛ ናሽካዞንሂም ጌኢጊሺኔ» ጋዓኔ።

1:31 ዔር. 9፡24። * 2:1 ያኦሲኮ ዓኣሺንቴ ማሊያ፡- ጋዓዛ ፔቴ" ፔቴ" ማፃኣገ «ያኦሲ ዛሎ" ማርካዲ» ጋዓኔ። 2:9 ዒሲ. 64፡4።

10 ኑም ጋዓንቴ ያኑሲ ፔኤኮ ዓያኖ ዛሎ"ና ዓኣሽንቴ ማሊያ ፔጋሲ ዔርዜኔ። ዓይጎሮ ጌዔቴ ያኑሲኮ ዓያና" ዔርቴቀያ ማዔ፥ ያኑሲ ማሊያ ታዎ ዓይሱቀዎ ቢያ ባኣዚ" ዴንቁ ዔራሢሮኬ። 11 ፔቴ" ዓሲ ዛላ ማዔቴ ፔቴ" ዒዛ ዓሢ ዓያናጋ ዓታዛ ማሊ" ዒዛይዳ ዓኣ ዒዛኮ ማሊያ ዔራጎዳይ ያኑሲያ ባኣሴ፤ ዬያጉዲ ያኑሲ ዓያናጋ ዓታዛ ያኑሲ ማሊያ ዔራይ ባኣሴ። 12 ኑኤኒ ሃያ ዓጮ" ዓያኖ ዔከባኣሴ፤ ኑኤኒ ዔኬሢ" ያኑሲ ኑም ዒንጌ ባኮ ቢያ ኑና ዔርዛ ያኑሲ ዓያኖኬ።

13 ዬያሮ ኑኤኒ ዓያኖ ዛሎ" ባኮ ዓያኖና ዓኣ ዓሶም ዔርዛሢ ዓሲዳጋ ጴዳ ዔራቶናቱቀንቴ ያኑሲ ዓያኖይዳጋ ጴዳ ዔራቶናኬ።

14 ያኑሲ ዓያናባኣ ዓሲ ያኑሲ ዓያና ዒንጋ ዒንጊያ ዔካኒ ዳንዳዑቀሴ፤ ዓይጎሮ ጌዔቴ ዬይ ዓያኖና ዛጊንቴ ዔርጋ ባኣዚ" ማዔሢሮ ዒዛም ዔርጋኑ ዳንዳዑቀሴ፤ ጉቤ ዬይ ዒዛም ዔኤያቶ ማሊ ጴዳንዳኔ። 15 ያኑሲ ዓያናና ዓኣ ዓሲ ቢያ ባኣዚ" ዛጊ ዔራኒ ዳንዳዓኔ፤ ዒዛ ጋዓንቴ ያኑሲያ ዛጊ ዔራኒ ዳንዳዑቀሴ። 16 ዬይያ፡- «ያኑሲ ዒና ያኑኒ ዔራይ?

ዒዛ ዘራኒ ዳንዳዓሢያ ያናዳይ?»
 ጌይንቴ ፃኣፒንቴሢጉዲኬ።
 ኑኤኮ ጋዓንቴ ከሪሰቶሴ ዒና ዓኣኔ።

3

ቆርንቶስ ሺኢጲያ ማኣሮ ዓሶ ባኣካ" ማገዢንቴ ዱሙቐ

1 ታ ዒሾንሦ ታ ሚሾንሦ! ጎኔ ኬኤዘያታቴ ታኣኒ ዒንሢ ዔርዜሢ ሃጊ ዒንሢ ከሪሰቶሴ ጉሙርቁያና ደዲባኣ፥ ናይ ማዔያ ሃሢ ሃያ ዓጮ" ማሊያና ዓኣ ዓሲ ማሂ ማዓንዳኣጋዓቴም ደዲ ዓያናና ዓኣ ዓሲ ማሂ ታ ዒንሢ ዔርዛኒ ዳንዳዒባኣሴ። 2 ደዲ ሙኡዚ" ሙዓኒ ዳንዳዑቀያ ዒንሢ ማዔሢሮ ታ ዒንሢ ዑሾሢ ዲኢቁ ማዓንዳኣጋዓቴም ደዲ ሙኡዚ" ታ ዒንሢ ሙኡዚ" ባኣሴ፤ ሃሢታቴያ ዒንሢ ደዲ ሙኡዚ" ሃጊ ሙዓኒ ዳንዳዑቀያኬ።

3 ቀይቴ ጌዔቴ ሃሢያ ዒንሢ ሃያ ዓጮ" ዓሶ ማሊያና ዓኣያኬ፤ ቀሊ ዒንሢ ቁኢራና ማርማያናታሢሮ ሃያ ዓጮ" ዓሶ ማሊያና ዓኣኔ ጌይሢቱቀዳዳ? ያኑሲ ዓሲ ማዒያ ዒንሢኮ ዓቴም ሃያ ዓጮ" ዓሶ ዒንሢ ማዒባኣዳዳ? 4 ዒንሢዳጋ ፔቴ"ሢ፡- «ታ ጳውሎሴ ዓሲኬ» ጋዓዛ፥ ባጋሢ ሃሢ፡- «ታኣኒ ዓጲሎሴ ዓሲኬ» ጌይያና ዒንሢ ያኑሲ ዓሲ ማዒያ ሃሾ" ሃያ ዓጮ" ዓሲ ማዒባኣዳዳ?

5 ዓካሪ ዓጲሎሴንጋ ጳውሎሴንጋ ዓይጎዳይ? ዔያታ ዒንሢ ከሪሰቶሴ ጉሙርቁንዳጉዲ ማሄ ያኑሲም ማዳ ዓሶኬ፤ ዔያታ ፔቴ"

2:16 ዓ.ሲ. 40፥13። 3:2 ዔ.ብ. 5፥12-13። 3:4 1ቆሮ. 1፥12።

ፔቴ"ሢ ማዳሪህ ጎዳ ዔይቶ ማዳንዳጉዲ ዓይህ ጎይዎኬ፤ 6 ዜርዎ ታ ዲኡቄኔ፤ ዓጲሎሴ ዋኦዎ ዑሼ"ኔ፤ ባቃልሲ ዑጊሴህ ጋዓንቴ ያኦሲኬ። 7 ዬያሮ ዴኤፖ ማዶ" ማዳህ ባቃሎ" ዑጊሴ፣ ያኦዛህ ማዓንዳኦጋዓቴም ዲኡቄህን ታ ዋኦዎ ዑሼ"ህን ታቴዎሴ። 8 ዜርዎ ዲኡቄህና ዋኦዎ ዑሼ"ህና ሄኮኬ፤ ዬያ ታ ፔቴ" ፔቴ"ህ ፔኤኮ ማዶ"ጉይያ ማዳ ዛሎ" ዒንጎ ባኮ ዔካንዳኔ። 9 ዓይጎሮ ጌዔቴ ኑኤኒ ያኦሲም ዎላ" ማዳዘንህኬ፤ ዒንህ ጋዓንቴ ያኦሲኮ ጎዡና ማኦሮና ማዓያኬ። 10 ያኦሲ ታኦም ዒንጌ ኮሹም ዒንጊያጉይያ ኮሺ" ዔራ፣ ማኦሪ ማዡ፣ ሃኦሚጉዲ ቦኦኮሎ ታ ቦኦኮልቄኔ፤ ባጋህ ታኦኒ ቦኦኮልቄህዳ ማኦሮ ማዡኔ፤ ጋዓንቴ ፔቴ" ፔቴ"ህ ዎማይዲ ዔሪ ማዡንዳቴያ ኮሺ" ዔራኒ ኮይሳኔ። 11 ዓይጎሮ ጌዔቴ ፔቴ"ና ቦኦኮልቄንቴማፓ ዓታዛ ያኦኒያ ሜሌ" ጊዳ" ቦኦኮልቃኒ ዳንዳዑዎሴ፤ ዬይ ቦኦኮላህ ዬሱሰ ኪሪሰቶሴታህረኬ። 12 ዬያ ቦኦኮላህዳ ዎርቄና ማዔቴያ ቢራ ዓንጊና ሃህ ኮሺ" ሚዛጲ ሹቹናኦ ማዎም ሚህና ሃህ ማኦቲና ማዔቴያ ሃውሊ"ና ማዡይ ዓኦቶ፡- 13 ፔቴ" ፔቴ"ህ ዓይጎና ማዡቴያ ዔርታንዳ ዎጌ ኬሊ" ሙካንዳኔ፤ ዬና ኬላ" ፔቴ" ፔቴ" ዓሳ ማኦሮ ማዡኬህ ዓይጎናታቴያ ታሚዳ ዓጊንቴ ዛጊንታንዳህረ ዲማዲ ዔርታንዳኔ። 14 ማኦሮ ማዡ ዓህኮ ማዶ" ታሞና ሙይንቴዎዎ ዶዲ ዓቴቴ ዬይ ዓህ ፔ ማዶ" ዛሎ" ዒንጎ ባኮ ዔካንዳኔ። 15 ማዶ" ታሚና ሙይንቴ ባይቄ ዓህ ጋዓንቴ ማዶ ዛሎ" ዒንጎንዳ ባኮይዳፓ ዓታንዳኔ፤ ዬይ ያዲ ማዔቴያ ዓህ ታማ" ጋውሌንቴ ዓቴያጉዲ ማዒ ዳቃንዳኔ።

16 ዒንህ ዒንህ ቶኦኪና ያኦሲኮ ጌኤሺ ማኦሪ ሃህ ያኦሲኮ ዓይና ዒንህዳ ናንጋያታህ ዒንህ ዔራዎዓዳ? 17 ዓካሪ ዓሲ ያኦሲኮ ጌኤዡ ማኦሮ ሻሄቴ ያኦሲ ዒዛ ዓህ ባይዛንዳኔ፤ ዓይጎሮ ጌዔቴ ያኦሲኮ ጌኤዡ ማኦሮ ዒዛም ዲማዳያታህረኬ፤ ዬይ ጌኤዡ፣ ዲማዳ ማኦሮ ዒንህኬ።

18 ያኦኒያ ፔና ጌሾፓ፤ ሃያ ዓጮ" ዔራቶ ጎይዎና ዔራ ማሂ ፔና ዛጋ ዓሲ ዓኦቶ ያኦሲኮ ጎኔ ዔራቶ ዴንቃኒ ፔና ዔኤያ ማሂ ዛጎንጎ። 19 ዓይጎሮ ጌዔቴ ሃያ ዓጮ" ዔራታ" ያኦሲ ቤርታ ዔኤያቶታህረኬ፤ ዬይያ፡-

«ያኦሲ <ዔሮኬ> ጋዓ ዓሳ
 ዔይቶኮ ጌሮ" ማሊያና ዔይቶ ዓርቃኔ» ጌይንቴህጉዲኬ።
 20 ዬያጉዲ ሃህ፡-
 «ያኦሲ ሃያ ዓጮ" ዔሮ" ዓሳኮ ማሊያ

3:6 ዲኪ. ማዶ" 18:4-11። 3:16 1ቆሮ. 6:19፤ 2ቆሮ. 6:16። 3:19 ዓዲ. 5:13።

ጉሪ ባአዚ" ማዔሢ ዔራኔ» ጌይንቲ ፃአፒንቴኔ።

21 ዬያሮ ቢያ ባካ ዒንሢሮ ማዔሢሮ ዓይጎ ዓሲያ ፔ ማዳ ባአዚ"ና ሄርሺንቶፓ። 22 ጳውሎሴ፣ ዓጲሎሴ፣ ጳጳርሴ፣ ሃይ ዓጫ"፣ ናንጋ፣ ሃይባ"፣ ሃሢ ዓአ ባኮ ማዔቴያ ሃጊ ሙካንዳ ባካ ቢያ ዒንሢሮኬ። 23 ዒንሢ ጋዓንቴ ኪሪሰቶሴሮኬ፤ ኪሪሰቶሴ ሃሃ ያኦሲሮኬ።

4

ኪሪሰቶሴም ማዳ ዓሶ

1 ዓካሪ ዓሲ ቢያ ኑና፡ ኪሪሰቶሴም ማዳ ዓሲ ሃሃ ያኦሲኮ ዓአሺንቴ ማሊያ ፔጋሳንዳጉዲ፣ ጉሙርቂ ዒንጎና ዓሲኬ ጋዓንዳያ ኮይሳኔ። 2 ጉሙርቂ ዒንጎና ዓሳ' ጉሙርቂንታያ ማዓኒ ኮይሳኔ። 3 ታና ዒንሢታቴያ ሃሃ ማሌ" ዓሳ «ዒ ዳቤኔ» ጌዒ ዋጋያ ማዔቴያ ማታ ባአሴ፣ ናንጎንጎ፤ ታኦኒታያ «ታ ዳቤኔ» ጌዒ ታ ጊዳ" ዋጋኒ ዳንዳዑዋሴ። 4 ታ ዔራ ጎይያናታቴ ታ ዒና" ታና «ዳቤኔ» ጎዑዋሴ፤ ዬይ- ታኦኮ ዳቢንቴ ባአያ ማዒያ ዔርዙዋሴ፤ ጋዓንቴ ታ ጊዳ" «ኔ ዳቤኔ» ጌይ ዋጋንዳሢ ጎዳ ዬሱሴ ሌሊኬ። 5 ዬያሮ ጎዳ ዬሱሴ ጋፒንያ ዋጎሮ ሙካንዳሢኮ ቤርታ ያጊዳ ማዔቴያ ኮይሱዋ ጎይሢና ዋጊፖቴ፤ ዒዚ ሙኬ ዋዶ"ና ዲሞይዳ ዓአሺንቴ ባኮ ፔጋሳንዳኔ፤ ሃሃ ዓሳ ፔ ዒና" ዓአቺ ዓርቂ ማሊያ ፔጋሲ ዒማና ዳዋንዳኔ። ዒማና ፔቴ" ፔቴ"ሢ ያኦሲዳፓ ኮይሳ ጎይያና ጋላታ ዴንቃንዳኔ።

6 ታ ዒሾንሃ! ታ ሚሾንሃ! ዒንሢ ማአዳ"ኒ ጌዒ ታኦና ዓጲሎሴና ዬያ ዛሎ"ኮ ኮኦኪንሢ ማሂ ታ ዒንሢም ኬኤዜኔ፤ ዬያ ታ ማዳሢ- «ፃአፒንቴ ዋጎኮ ዑሣ ዓአዲፖ» ጋዓ ዘሮ" ኑ ዛሎ"ና ዒንሢ ዔራንዳጉዲ ጌይኬ። ዬያሮ ፔቴ"ያ ባጋሢዳፓ ባሾ ማሂ ዘጊ፣ ዒዛና ሄርሺንቴፖቴ። 7 ኔና ሃንጎ ዓሶይዳፓ ባሾ ማሂያ ያናዳይ? ቢያ ባኮ ኔ ዔኬሢ ያኦሲዳፓኬ፤ ኔኤሮ ማዔ፣ ዓይጎ ባአዚ"ያ ባአሴ፤ ሂዳያ ቢያ ባኮ ኔ ዔኬሢ ያኦሲዳፓ ማዔቴ ዔኪባአያ ማዒ ዓይጋ ኔ ሄርሺንታይ?

8 ሐሢ ሃይሾ ዒንሢም ኮይሳ ባኮ ቢያ ዒንሢ ዴንቂኔ! ሃሃ ዒንሢ ያርጎጨኔ! ኑ ጊዳ"ፓ ዲማዲያ ዒንሢ ካኦታዴኔ! ጎኔ ዒንሢ ካኦታዴያ ማዔቴያ ኑኦኒ ዒንሢና ዋላ" ካኦታዳንዳያታሢሮ ካኦታማ ዒንሢኮ ኮሺ ማዓንዳንቴኬ። 9 ዋይቲ ጌዔቴ ያኦሲ ኑና፣ ዒዛ ማዶ"ም ዳኪንቴዘንሢ ሃይቃንዳጉዲ ዋጊንቴ ዋዶ ቤዘ ዔኪ ዓአደ ዓሶ ባአኮ"ይዳፓ ጋፒንሢ ዓሲ ማሄያ ታኦም ማላኔ፤ ዬያይዳፓ

ዔቄያና ዓጮ" ቢያይዳ ያኑሲ ከኢታንቸንታ ዓሳንታ ቤርቶይዳ ዓማሊ " ባኣዚ" ሃሣ ሚኒቸም ማዓ ባኣዚ" ማዓ ኑ ጴዳኔ። 10 ኑኡኒ ከሪሰቶሴር ገዲ ዔኤያ ማዓኔ፤ ዒንሣ ጋዓንቴ ከሪሰቶሴና ማዓያና ዔራ ዓሲ ማዓኔ፤ ዩያጉዲ ዒንሣ ደዲ ዓሲ ማዓኔ፤ ኑኡኒ ላቤ" ዓሲ ማዓኔ፤ ሃሣ ዒንሣ ቦንቸንቴ ዓሲ ማዓኔ፤ ኑኡኒ ጋዓንቴ ቦሃንቴ ዓሲ ማዓኔ። 11 ሃሣያ ሃይማ ሄላ"ንዳኣና ኑ ናይዲንታኔ፥ ዴኤቢንታኔ፥ ካላ"ዳኔ፥ ጳርቂንታኔ፤ ሃሣ ማኣሪ ባይዚ ኑ ሜታዳኔ። 12 ሃሣ ኑ ኩቻ ኑ ማዲ ማዲ ላቢ"ንታኔ፤ ዓሳ ኑና ጫሽካኣና ኑ ዓንጃኔ፤ ኑና ዒዲ ደውሶዋና ኑ ጊቢ" ዳንዳዓኔ፤ 13 ኑና ጫሽከ፥ ሱንጾዋ ኑኡኩ ፑርቲሳኣና ኮሺ ዑኡሲ ኑ ዔያቶም ማሃን፤ ሃሣ ሄላ"ንዳኣና ሃያ ዓጮ"ኮ ከኤሪንቴያ ሃሣ ፒዎና ቡኡራጉዲ ኑ ማዓ ዓኣኔ።

14 ሓያ ታ ዒንሣም ፃኣፓሣ ታኣኮ ናሽኪንቴ ናኣቶ" ማሃ ዒንሣ ዘራኒ ማዓንዳኣፓዓቴም ዒንሣኮ ዒኔ ዲኡዛኒቱዋሴ። 15 ዋዚ ዒንሣኮ ሚርጌ ሺያና ፓይዲንታ ዲቻ ዓሲ ከሪሰቶሴ ዛሎ"ና ዓኣቴያ ሚርጌ ዓደንሣ ዒንሣኮ ባኣሴ፤ ኮኩ ሃይሶ ከኤዚያና ዩሱሰ ከሪሰቶሴ ዛሎ"ና ዒንሣ ሾዔሣ ታና ሌሊኬ። 16 ዩያሮ ታ ሃንቴ ጎይያ ዒንሣ ሃንታንዳጉዲ ታ ዒንሣ ሺኢቃኔ፤ 17 ጎዳ ሱንጾና ታኣኮ ናሽኪንታሣና ጉሙርቂንታ ናዓሣ ማዓ፥ ደሞቱዋሴ ታ ዒንሣም ዳኬሣ ዩያሮኬ፤ ታኣኒ ቢያ ቤዘይዳ ሺኢጲያ ማኣራ ዔርዜ ጎይያ ሃሣ ከሪሰቶሴና ታ ዴንቄ ዓኮ ናንጎ ታ ናንጌ ጎይያ ዒዚ ዒንሣ ዔርዘንዳኔ።

18 ጋዓንቴ ዒንሣ ባኣካ"ፓ ፔቴ" ፔቴ"ዘንሣ ታ ዒንሣ ኮይላ" ሙከንዲዋያ ዔያቶም ማሌም ሚርጌና ያቶርቃኔ፤ 19 ያዲ ማዓቴያ ያኑሲ ጌዔቴ ዑኩ ከሌ"ዳ ታ ዒንሣ ኮይላ" ሙከ ዩኖ ያቶርቃ ዓሳኮ ጌኤዘ ሌሊቱዋንቴ ዋልቆዋ ዔያቶኮ ታ ዔራኒ ኮዓኔ። 20 ዓይጎር ጌዔቴ ያኑሲ ካኣቱማ ማዓባኣ ጉሪ ሃይሴቱዋንቴ ያኑሲ ዋልቂታሣርኬ። 21 ዒንሣ ኮዓ ባካ ዓይጎዳይ? ዒንሣ ጳርቆንደ ኮኣሎ" ታ ዔኪ ሙካንዳጉዲ ዒንሣ ኮዓም? ናሹዋና ሹሌዑዋ ዓያናና ማዓ ታ ዒንሣ ኮይላ" ሙካንዳጉዲ ዒንሣ ኮዓይ?

5

ከሪሰቶሴ ጉሙርቃ ዓሳ ባኣካ" ማዲንቴ ቦርሲሳ ማዶ

1 ዒንሣ ባኣኮ"ይዳ ማቾ ሃሣ ዓኒ ማዓባኣያና ላሂንታ፥ ቦርሲሳ ሃይሴ ዋይዚንታኔ፤ ዩያጉዳ ማዶ ሜሌ" ዴሮ" ባኣካ"ታጾ

4:12 ዳኪ. ማዶ" 18:3። 4:16 1ቆር. 11:1፤ ፒልጲ. 3:17።

ማዳንቱዋያኬ፤ ይይያ፡- ዲንሢ ባአካ" ፔኤኮ ዲንዶ ሌጎ ዔኬ ዓሲ ዓአኔ ጌይንታኔ። 2 ዓካሪ ይያጉዴ ቦርሲሳ ማዶ ዲንሢ ባአካ" ዓአንቲ ዓይጎር ዲንሢ ያቸርቃይ? ይያይዳፓ ይያ ባኮ ዛሎ"ር ያዪ፡ ይያ ማዶ" ማዶሢ ዲንሢ ባአካ"ፓ ሺኢሻንዳያ ኮይሳያታንቲኬ። 3 ዋዚ ታ ዲንሢና ዋላ"ቱዋቲያ ዓያኖና ታ ዲንሢና ዋላ"ኬ፤ ሃሢ ታ ዓዳ" ዲንሢና ዋላ" ዓአያ ማዳ፡ ይያጉዴ ዲኢቲ ማዶ ማዶ ዓሢ ዑፃ ጎዳ ዬሱሰ ኪሪሰቶሴ ሱንፆና «ዲ ዳቤኔ» ጌይ ታ ዋጌኔ። 4 ዲንሢ ቡኪንታ ዋዶ"ና ታኢኒያ ዓያኖና ዲንሢና ዋላ"ታሢሮ፡ ኑ ጎዳሢ፡ ዬሱሴ ሱንፆና ሃሢ ዲንሢ ባአኮ"ይዳ ዓአ፡ ጎዳ ዬሱሴ ዋልቆና፡ 5 ጎማ ማዳ፡ ይያ ዓሢኮ ዑፃ ዓሸካ ባይቃንዳጉዲ ዲንሢ ባአካ"ፓ ዲማሲ፡ ፃላሄም ዲዛ ዓአሢ ዲንጋንዳያ ኮይሳኔ፤ ይያ ዲንሢ ማዳንዳሢ" ጎዳ ጋፒንፆ ዋጎሮ ሙካአና ይያ ዓሢኮ ሽምፓሢ ዳቃንዳጉዲኬ።

6 ዓካሪ ዲንሢ ሄርሺንቲ ያቸርቃሢ ጉሪኬ፤ ሙኑቃ ፃአዛ ዲቦ" ሙኑቆ ቢያ ካፂሳሢ ዲንሢ ዲሩዋይ? 7 ፃአዛ ባአ ሙኑቃ ዲንሢ ማዳንዳጉዲ ሙኑቆ ፃአዘ ዲንሢዳፓ ባይዙዋቲ፤ ዲንሢዳ ዬይ ባአሢያ ታ ዔራኔ፤ ዑሣ ዓአዲፆ ኬሎ" ማራዓሢ ማዳ፡ ኪሪሰቶሴ ኑ ጋይቲ ሹኪንቲ ሃይቄኔ፤ 8 ይያሮ ፑርቱሞና ጌኔ ማዶና ኩሜ፡ ሙኑቆ ፃአዘናቱዋንቲ ሙኑቆ ፃአዘባአ ላአዶ ሙዲ ኑኤኮ ቦንቾ ኬሎ" ፒዙሞና ሃሢ ጎኑሞና ኑ ቦንቾም።

9 ኣያኮ ቤርታ ታ ዲንሢም ፃአፔ ኪኢቶ"ይዳ፡- «ማቾ ሃሢ ዓኒ ማዳባአያና ላሃ ዓሶና ዋላ" ፔቲ" ማዳፖቲ» ታ ዲንሢም ጌዔኔ። 10 ይያ ታ ጋዓዛ ሃያ ዓጮ"ይዳ ዓአ ማቾ ሃሢ ዓኒ ማዳባአ ዓሶና ላሃ ዓሶና ሚኢሾሮ ጎጋይቃ ዓሶና ይያጉዲ ዉዘና ጎኔ ፆኦሲ ማዳባአ ባኮ ካኢሸካ ዓሶና ዋላ" ፔቲ" ማዳፖቲ ጌይሢቱዋሴ፤ ያዲ ማዳያታቲ ሃያ ዓጮ"ይዳፓ ኬሰካንዳያ ዲንሢም ኮይሳኔ ጌይሢኬ። 11 ታኢ ጋዓንቲ ዲንሢም ፃአፔሢ፡- «ኪሪሰቶሴ ጉሙርቃ ዓሲኬ» ጌይ ጌይ ማቾ ሃሢ ዓኒ ማዳባአያና ላሃዘንሢና ሚኢሾሮ ጎጋይቃዘንሢና፡ ይያጉዲ ጎኔ ፆኦሲ ማዳባአ ካኢዙ ካኢሸካ ዓሶና ዓሲ ጫሸካ ዓሶና ማሢንታ ዓሶና ሃሢ ዉኡቃ ዓሶና ዋላ" ፔቲ" ማዳፖቲ ጌይኬ። ይያጉዴ ዓሶና ዋላ" ሙኡዚ"ታፆ ሙይፖቲ።

12 ኪሪሰቶሴ ጉሙርቁዋ፡ ዙላ" ዓአ ዓሶ ዑፃ ዋጋኒ ታአም ኮይሳያቱዋሴ፤ ኪሪሰቶሴ ጉሙርቃ ዓሶይዳ ጋዓንቲ ዲንሢ ዋጋኒ ዲንዳዓያቱዋይ? 13 ኪሪሰቶሴ ጉሙርቁዋ ዓሶይዳ ዋጋሢ

5:1 ላሚ. ዋማ 22፡30። 5:6 ጋላ. 5፡9። 5:7 ኬሲ. ማፃ 12፡5። 5:8 ኬሲ. ማፃ 13፡3፤ ላሚ. ዋማ 16፡3።

ጾኦሲኬ፤ ዓካሪ ማፃኣፓ ጋዓሢጉዲ «ፑርቶ ዓሢ ዒንሢ ባኣካ"ፓ ሺኢሹዋቴ።»

6

ኪሪሰቶሴ ጉሙርቃ ዓሶኮ ሞኦቶ ዛላ

1 ዒንሢዳፓ ፔቴ" ዓሲ ኪሪሰቶሴ ጉሙርቃያ ማዔ፥ ዒሻሢና ዋላ" ፑርቴቴ ጌኤዞ ጾኦሲ ዓሳ ዋጋንዳጉዲ ማሂያይዳፓ ዋጌና ዓይሢሳኒ ጾኦሲ ዔሩዋ ዓሶና ዋጊሳኒ ዋይቲ ዓኣዳኒ ጫርቃይ?

2 ጾኦሲ ዓሳ ዓጮ"ይዳ ዋጋያታሢ ዒንሢ ዔሩዋዓዳ? ሂዳያ ዓጮ"ይዳ ዒንሢ ዋጋያታንቴ ዬያ ዳኮ" ባኮ ዋጊፃ ዒንሢ ባሺያ?

3 ጾኦሲ ኪኢታንቸይዳታያ ኑ ዋጋንዳሢ ዒንሢ ዔሩዋዓዳ? ሂዳያ ሃያ ዓጮ" ባኮይዳ ባሺና ዋይቲ ዋጋኒ ኑ ዳንዳዐዋይ? 4 ዓካሪ ዋላና ዒንሢ ፑርቴቴ ኪሪሰቶሴ ጉሙርቃ ዓሶ ባኣካ" ባኣ ዓሶና ዋጊሳኒዳ? 5 ዔዛታ! ዒንሢ ባኣኮ"ይዳ ዓሲ ጊኢጊሻኒ ዳንዳዓ፥ ዒናና ዓኣ፥ ጨሚባኣዓዳ? ቦርሶ ዒንሢም ማዖም፤ 6 ዓካሪ ፔቴ" ኪሪሰቶሴ ጉሙርቃ ዓሲ ባጋሢ ዋጌና ዓይሢሳኒ ጾኦሲ ዔሩዋ ዓሶ ዋጎ ሴዞ ዓኣዳኒ ኮይሳ?

7 ጉሴና ዋላ" ዒንሢኮ ሞኦቲንታ ዳውሲንቲኬ፤ ዬያይዳፓ ዒንሢም ፑርቴሶናኣታቴ ሃሃ ዒንሢ ጌሾናኣታቴ ኮሺቱዋዓዳ?

8 ዒንሢ ጋዓንቴ ዒንሢም ፑርቴሳኔ፤ ሃሃ ዒንሢ ጌሻኔ፤ ዬያጉዲ ዒንሢ ዒሾንሢንታ ሚሾንሢንታም ዒንሢ ዬያይዳኔ። 9 ፑርቶ ዓሳ ጾኦሲ ካኣቱሞይዳ ጌሊንዳዋኣሢ ዒንሢ ዔሩዋዓዳ? ዬያ ባኮና ጌሺንቲፖፕቴ፤ ዓኒ ሃሃ ማቸ ማዒባኣ ዓሶና ላሃኒ ሱኡካዳ ዓሳ፥ ጾኦሲፓ ሜሌ" ካኣሸካ ዓሳ፥ ዓኒ ሃሃ ማቸ ማዒባኣ ዓሶና ላሃ ዓሳ፥ ዓቲንቄና ላሃ ዓቲንቄ፥ 10 ዉሲ፥ ሚኢሹር ጎጋይቃ ዓሲ፥ ዐሽኪ ማሢንታ ዓሲ፥ ዓሲ ዶንካ ዓሲ፥ ዓሲ ባኣዚ" ቡራ ዓሲ ጾኦሲ ካኣቱሞይዳ ጌላዓኬ። 11 ዒንሢዳፓ ፔቴ" ፔቴ"ዞንሢ ሴርታ ያዲኬ፤ ሃሃ ጋዓንቴ ጎዳ ዬሱሰ ኪሪሰቶሴ ሱ"ንፃና ኑ ጎዳሢ ዓያኖና ጎማፓ ዒንሢ ማሰቲ ጌኤሸኬኔ፤ ጾኦሲም ዲማዴ ዴሬያ ዒንሢ ማዔኔ፤ ዲሊ"ያ ዲሌ"ኔ።

ዑያ ጾኦሲ ቦንቸም ማሂሢ

12 ቢያ ባኣዚ" ታ ማዳንዳጉዲ ዓይሢንቴያኬ፤ ጋዓንቴ ቢያ ባካ ታኣም ኮይሳያቱዋሴ፤ ቢያ ባኣዚ" ታ ማዳንዳጉዲ ታኣም ዓይሢንቴኔ፤ ዬይ ያዲ ማዔቴያ ዓይጎ ባኣዚ"ማኣ ካራሚ ማዒ

ታ ዋርቃዓኬ፤ 13 ሙኡዚ " ጎጂም፥ ጎጂ ሃሣ ሙኡዚ "ምኬ፤ ያዲ ማዕቲያ ያኑሲ ሙዖንታ ጎጂንታ ባይዛንዳ። ኩኡኮ ዑፃ ጎዳም፥ ጎዳኣ ኑ ዑፃም ማዕሢረ ኩኡኮ ዑፃ ማቸ ሃሣ ዓኒ ማዕባኣያና ላሂሂም ማሃንዳያ ኮይሱቀሴ። 14 ያኑሲ ጎዳ ዩሱሴ ሃይባ"ፓ ዔቂሴ፤ ሃሣ ኩናኣ ፔ ያልቆና ሃይባ"ፓ ዔቂሳንዳ።

15 ዒንሢኮ ዑፃ ኪሪሰቶሴ ዑፃይዳፓ ፔቴ" ቤሲ ማዕሢረ ዒንሢረ ዔሩቀዓዳ? ዓካሪ ኪሪሰቶሴ ዑፃ ማዕሢረ ዔኪ ዓኒ ማዕባኣ ዓሰና ላሂ ላኣሎ ዑፃና ዋላ" ፔቴ" ማሃንዳያ ታኣም ኮይሳ? ፔቴ"ታፃ ዩይ ኮይሱቀሴ! 16 ዓኒ ማዕባኣ ዓሰና ላሂ ላኣሎና ላሂ ዓሲ ዒዛና ዋላ" ፔቴ" ማዕሢረ ዒንሢረ ዔሩቀዓዳ? ዋይቲ ጌዔቴ፡- «ላምዖንሢ ፔቴ" ማዕሢ» ጌይንቲ ፃኣፒንቲሢረኬ።

17 ጎዳና ዋላ" ፔቴ" ማዕ ዓሳ ጋዓንቲ ዒዛና ዋላ" ዓያናና ፔቴ" ማዕሢ።

18 ዬያሮ ማቸ ሃሣ ዓኒ ማዕባኣያና ላሂፖቴ፤ ዓሲ' ማዳ ሜሌ" ጎሜ ቢያ ፔ ዑፃኮ ዙላ" ማዳያኬ፤ ማቸ ሃሣ ዓኒ ማዕባኣያና ላሂ ዓሲ ጋዓንቲ ፔ ዑፃይዳ ጎሜ ማዳ። 19 ያኑሲዳፓ ዒንሢረ ዔኬ፥ ዒንሢኮ ጋሮይዳ ናንጋ ዓያሮ ጌኡከኮን ዒንሢረ ዑፃ ማኣሮ ማዕያታሢ ዒንሢረ ዔሩቀዓዳ? ዒንሢረ ያኑሲሮ ማዕንዳኣፓዓቴም ዒንሢረቱቀሴ። 20 ዋይቲ ጌዔቴ ዒዚ ዒንሢረ ሻንቁ ዔኬያኬ፤ ዬያሮ ዒንሢኮ ዑፃና ያኑሲ ቦንቸዋቴ።

7

ዔፒ ዛላ ያኑጪንቲ ያኑጪሢ

1 ዒንሢረ ታና ያኣፒ ያኑጪ፥ ያኑጪያ ዛሎ"ኮ፡- ዓሲ ላኣሊ ዔኪባኣቲ ኮሺኬ ታ ጋዓ። 2 ጋዓንቲ ማቸ ሃሣ ዓኒ ማዕባኣያና ላሂ ጎሜ ማዳቀጉዲ ፔቴ" ፔቴ" ዓቲንቆኮ ማቸ ዓኣያ፤ ሃሣ ፔቴ" ፔቴ" ላኣሎኮ ዓኒ ዓኣያ ማዖንጎ። 3 ዓኒ ፔ ማቸም ፔና ዒንጋኒ ኮይሳ፤ ዬያጉዲ ማቸኣ ፔ ዓኒም ፔና ዒንጋኒ ኮይሳ። 4 ማቸኮ ዑፃ ዒዛሮ ሌሊቱዋንቲ ዓኒንታ ዋላ"ሮኬ፤ ዬያጉዲ ሃሣ ዓኒ ዑፃ ዒዛሮ ሌሊቱዋንቲ ማቸንታ ዋላ"ሮኬ።

5 ያኑሲ ሺኢቃኒ ላምዖንሢ ዋላ" ጌኢጊ ዳካ" ዋይም ማዕንዳኣፓዓቴም ዲማዲ ዋርቁባኣያታቴ ቃራኬ፤ ዒንሢረ ዒንሢረ ካፓኒ ዳንደዑቀያ ማዕም ፃላሂ ዒንሢረ ጌሹዋጉዲ ዋላ" ማዕቀቴ። 6 ዬያ ታ ዒንሢረም ጋዓሢ ዘሮጉዲ ማዕንዳኣፓዓቴም ዓይሥሢ

6:12 1ቆር. 10፥23። 6:16 ማዢ. ማፃ 2፥24። 6:19 1ቆር. 3፥16፤ 2ቆር. 6፥16።

ማሂቱዋሴ። 7 ዓሲ ቢያ ታጉዲ ለአሊ ዔኩዋየ ናንጌቴ ቃራኬ ታ ጋዓኔ፤ ጋዓንቴ ፔቴ" ፔቴ"ሢም ያኦሲ ዲማ ዲማ ዒንጊሢ ዒንጌኔ፤ ፔቴ"ሢም ፔቴ" ባአዚ"፣ ባጋሢም ማሌ" ባአዚ" ዒንጊንቴኔ።

8 ሎይባአ ዓሶንታ ዔኪባአ ዓሶንታም፤ ጊንሣ ሃሣ ዓሲንሢ ሃይቄ ለአሎንታም ታ ሂዚ ጋዓኔ፡- ዔያታ ሎውዋየ ሃሣ ዔኩዋየ ታጉዲ ናንጌቴ ዔያቶም ቃራኬ። 9 ጋዓንቴ ዔያታ ፔና ዲንዳዒ ካፓኒ ባሺንቴቴ ሌዖንጎ፣ ዔኮንጎ፤ ዓይጎሮ ጌዔቴ ዔኪሢና ሎዒሢና ዛላ ማሊ ሜታዲሢዳፓ ዔኪዖና ሎይዖና ኮሺኬ።

10 ዔኬዘንሢና ሎዔዘንሢናም ታ ሂዚ ጋዓኔ፡- ሃይ ጎዳ ጋዓያ ማዓንዳአፓዓቴም ታ ጋዓያቴዋሴ። ሎዔ ለአሊ ፔኤኮ ዓሲዳፓ ዲማዶፓ፤ 11 ዓሲፓ ዲማዲ ዒዛ ኬሰኬቴ ሎውዋየ ፔኤሮ ናንጎንጎ፤ ዔይዔ ጌዔቴ ዓሲና ቡኮንጎ፤ ዜያጉዲ ዓሲያ ፔ ማቾ ዓንጀፓ።

12 ሃንጎዋቶም ጎዳ ጋዓያቴዋንቴ ታ ሂዚ ጋዓኔ፡- ፔቴ" ኪሪሰቶሴ ጉሙርቃ ዓሲኮ ኪሪሰቶሴ ጉሙርቁዋ ለአሊ ዓአያታዖ ዒዛና ዋላ" ናንጋኒ ኮዔቴ ዒዛ ዒ ዓንጀፓ። 13 ሃሣ ኪሪሰቶሴ ጉሙርቃ ለአሊኮ ኪሪሰቶሴ ጉሙርቁዋ ዓሲ ዓአያ ማዒ፣ ዒዛና ዋላ" ናንጋኒ ኮዔቴ ዒዛ ዒዛፓ ዓንጀንቶፓ። 14 ዓይጎሮ ጌዔቴ ኪሪሰቶሴ ጉሙርቁዋያ ማዔ ዓናሢ ኪሪሰቶሴ ጉሙርቃ ዒዛኮ ማቾ ዛሎ"ና ያኦሲ ዓሲ ማዓሢሮኬ፤ ኪሪሰቶሴ ጉሙርቁዋያ ማዔ ለአሌላአ ኪሪሰቶሴ ጉሙርቃ ዓሲ ዛሎ"ና ያኦሲ ዓሲ ማዓኔ፤ ያዲ ማዒባአቶ ናአታ" ዒንሢኮ ያኦሲ ዓሲ ማዓኒ ዲንዳዒዎሴ፤ ዜያይዲ ዒንሢ ናንጌቴ ናአታ" ዒንሢኮ ያኦሲ ዓሲኬ። 15 ኪሪሰቶሴ ጉሙርቁዋያ ማዔ ዓሶማ ዲማዲኒ ኮዔቴ ዲማዶንጎ፤ ዜካፓ ኪሪሰቶሴ ጉሙርቃያ ማዔ ዓሲታቴያ ማቾ ፔቴ" ማሃ ዋጋ" ዓርቃኒ ዲንዳዒዎሴ። ዓይጎሮ ጌዔቴ ያኦሲ ኑና ዔኤሌ"ሢ ኮሹሞና ኑ ናንጋንዳጉዲታሢሮኬ። 16 ዔና፣ ኪሪሰቶሴ ጉሙርቃዜሌ ኪሪሰቶሴ ጉሙርቁዋ ዓሲ ኔኤኮ ኔ ዳቂሻንዳያ ናንዳኔ ኔ ዔራ? ኔኤኒ ኪሪሰቶሴ ጉሙርቃሃ ኪሪሰቶሴ ጉሙርቁዋ ኔኤኮ ማቾ ኔ ዳቂሻንዳያ ናንዳኔ ኔ ዔራ?

17 ፔቴ" ፔቴ"ሢ ያኦሲ ዒዛም ጌዔ ጎይዖ ሃሣ ያኦሲ ዒዛ ዔኤላ"አና ዓአ ጎይዖ ናንጎንጎ። ኪሪሰቶሴ ጉሙርቃ ሺአጰዖ ማአሮ ዓሶም ቢያ ታ ዒንጌ ዋጋ" ዜያኬ። 18 ያናታቴያ ዓቲንቶ ቤርቶ ተቂንቴያታዖ ዔኤሊ"ንቴያ ማዔቴ ተቂንቴባአሢጉዲ ማዓኒ ማሎፓ፤ ዓቲንቶ ቤርቶ ተቂንቴባአዖ ዔኤሊ"ንቴያ ማዔቴ «ተቂንታኒ ኮይሳኔ» ጌይሳ ባአዚ" ባአሴ። 19 ዓቲንቴ ቤርቲ ተቂንቴሢ ማዔቴያ ተቂንቴዋ ሃሺ"ዖ ማአዳ" ባአዚ" ባአሴ፤

7:11 ማቲ. 5፣32፤ 19፣9፤ ማር. 10፣11-12፤ ሉቃ. 16፣18።

ባሽ ኮይሳሢ ያኑሲ ዓይሢ ዮኩሥሢክ። 20 ይደር ፔቴ" ፔቴ" ዓሳ ያኑሲ ዒዛ ዔኤላ"እና ዓኣ ጎይዎም ናንጎንጎ። 21 ያኑሲ ኔና ዔኤላ"እና ኔ ዓሲኮ ዓይሌ"ዳ? ያዲ ኔ ማዔቴያ ዔኤቢባኣሴ፤ ማሊ ማታዲፖ፤ ዓይሌ"ማፓ ኬሰካኒ ካራ ኔኤም ጰዳቴ ኬዞ ሃሺ"ፖ። 22 ዓይጎር ጌዔቴ ዓሲኮ ዓይሌ" ማዒ ዓኣንቴ ጎዳ ዔኤሌ" ዓሲ ጎዳና ዓይሌ"ማፓ ኬሰከኔ፤ ዩያጉዲ ዓይሌ"ቴዋያታዎ ዔኤሌ"ንቴ ዓሲ ኪሪሰቶሴኮ ዓይሌ"ከ። 23 ያኑሲ ዒንሢ ሻንቁ ዔከሢሮ ዓሲኮ ዓይሌ" ማዒፖቴ። 24 ይደር ታ ዒሾንሦ ታ ሚሾንሦ! ፔቴ" ፔቴ" ዓሳ ዔኤሌ"ንታማና ዓኣ ጎይዎ ያኑሲና ዋላ" ናንጎንጎ።

ዔኪባኣያ ሃሣ ሎዒባኣ ዓሶና ዓኒንሢ ሃይቁ ላኣሎና ዛላ

25 ዔኪባኣያ ሃሣ ሎዒባኣ ዓሶ ዛሎ" ጎዳፓ ታ ዔከ ዓይሥሢባኣሴ፤ ጋዓንቴ ጎዳኮ ማኣሪፃፓ ዔቁያና ጉሙርቁንቴ ዓሲ ማዒ ሃካፓ ለካ ታ ማሊያ ታ ኬኤዛኔ፤

26 ሃሢ ኑ ዓኣ ዋዳ" ማቶ ዋዳታሢር ዓሲ ዓኣማ ጎይዎ ናንጌቴ ቃራከ። 27 ጋዓንቴ ላኣሊ ኔ ዔከያ ማዔቴ ዓንጂኒ ኮይፖ፤ ላኣሊ ኔ ዔኪባኣያ ማዔቴ ዔካኒ ኮይፖ። 28 ኔኤኒ ላኣሊ ዔከቴ ጎሜ ማዳኔ ጌይሢቱዋሴ፤ ሃሣ ፔቴ" ዉዲር ናይ ሎዔቴ፡ ጎሜ ዒዛ ማዳኔ ጌይሢቱዋሴ፤ ማዔቴያ ዔካ ዓሶና ሎዒ ዓሶና ሃያ ዓጮ"ይዳ ሚርጌ ናንጌ ሜታ ሄላ"ኔ፤ ታኣኒ ዒንሢ ዩይ ሄላ"ዋጉዲ ኮዓኔ።

29 ታ ዒሾንሦ! ታ ሚሾንሦ! ታ ዒንሢም ሂዚ ጋዓኔ፡- ዋዳ" ጋፒ ጋፒከ፤ ሃካፓ ሴካ ላኣሊ ዓኣሢያ ዔኪባኣያጉዲ ማዒ ናንጎንጎ።

30 ያያሢ ያዩዋኣሢጉዲ፡ ዋዳዲ ዋዳዲ ዋዳዲ ማዒ ናንጎንጎ፤ ዔኤቢ ሻንቃሢ ዒ ሻንቁ ባካ ዒዛርከ ጌይ ማሎፓ። 31 ኣያ ሳይይዳ ዓኣ ቆሎ"ና ማኣዲ"ንታሢ ጉቤ ማኣዲ"ንቱዋያ ማዒ ናንጎንጎ፤ ዓይጎር ጌዔቴ ሃያ ዓጮ" ባካ" ላኣሚንታንዳሢሮከ።

32 ይደር ዓይጎ ማሊሢና ዒንሢ ሜታዲዋዎ ናንጋንዳጉዲ ታ ኮዓኔ፤ ላኣሊ ዔኪባኣ ዓሲ ጎዳ ዋዳጎንዳ ባኣዚ" ኮዓሢር ጎዳ ዋዳጎ ባኣዚ" ማላኔ። 33 ላኣሊ ዔከ ዓሲ ጋዓንቴ ማሊሢ ሃያ ዓጮ" ባኣዚ"ና ፔ ማቶ ዋዳጎንዳ ባኣዚ"ከ። 34 ይደር ማሊያ ዒዛኮ ላምዎ ፓቁንታኔ ጌይሢከ። ዩያጉዲ ሎዒባኣ ላኣሊ ታቴያ ዉዲር ናይ ፔኤኮ ዓሽኮና ሺምፓሢና ያኑሲም ዲማዳያ ማዒ ኮዓሢር ማሊያ ዒዛኮ ጎዳም ኮይጎ ማዳ"ይዳከ። ሎዔ ላኣሌላ ጋዓንቴ ፔኤኮ ዓኒ ዋዳጎኒ ኮዓሢር ዒዛ ማሊሢ ሃያ ዓጮ" ባኣዚ"ከ።

35 ይደር ታ ጋዓሢ" ዒንሢም ኮይጎ ባኮ ማሊሢና ማዓንዳኣፓዓቴም ዒንሢም ዔሶ" ዴኤጂሳኒቱዋሴ፤ ታኣኮ ማሊያ ዒንሢ ኮይጎ ጎይሢ ናንጋንዳጉዲና ማሊያ ዒንሢኮ ዣኣሉዋንቴ ጉቤ ዒናና ማዒ ጎዳም ማዳጎንዳጉዲ ጌይከ።

36 ፔቴ" ዓሲ ፔቴ" ወዲር ናሽኪ ዎላ" ዓማላ"ያታየ ዬኖ ዔካኒ ማለባክንቴ፥ ዬኖ ወዲራሎኮ ሎዎንዶ ዎዳ" ዓኣዲያ ማዔቴ ሃሣ ዒ ዔኪያ ማሊያ ገባ"ኒ ዳንዳዒባኣያታቴ ጎሜ ባኣሴ ዔዔኮንጎ።
 37 ጋዓንቴ ዔካኒ ዒዛ ሜታሳ ባኣዚ" ባኣቴ፥ ዔኩዎየ ዳዓኒ ዳንዳዓያታቴ ሃሣ ዬይ ጎኔ ዒናፓ ማዔያታቴ ዔኪባኣቴ ኮሺኬ።
 38 ዬያር ያኦጮዘ ዔኬህ ኮሺ ማዳኔ፤ ዔኩዎየ ሃሺ"ህያ ባሺ ኮሺ ማዳኔ።

39 ፔቴ" ላኣሊ ዓኒ ሺምፔና ዓኣና ዔፒ ዛላ ዎጌና ቴኡቴያኬ፤ ዓኒ ሃይቁቴ ጋዓንቴ ሜሌ" ኮዔ ዓሲም ዒዛ ሎዓኒ ዳንዳዓኔ፤ ዒዛ ሎዓንዳ ዓህ ኪሪሰቶሴ ጉሙርቃያ ማዓኒ ኮይሳኔ። 40 ታ ማሊያና ታ ጋዓህ ሎውዎየ ፔኤር ዒዛ ናንጌቴ ባሺ ዒዛ ዎዛና ናንጋንዳኔ፤ ታና ያኦሲ ዓያና ዬያ ጌይሳያ ማላኔ።

8

ሜሌ" ካኣሺም ሹኪንቴ ዓሽኪ ዛላ

1 ሜሌ" ያኦዘም ሹኪንቴ ቆልሞ ዓሽኪ ዛሎ" ሂዚ ታ ጋዓኔ-ቢያህኮ ኩኩኮ ዔራቶ ዓኣኔ። ዔራቶ ዓሲ ያየቶርሳኔ፤ ናሹም ጋዓንቴ ዓሲ ኮኮሻኔ። 2 «ታ ዔራኔ» ጋዓ ዓሲ ኮይሳህጉዴያ ሃጊ ዔሪባኣያኬ። 3 ያኦሲ ናሽካ ዓሲ ጋዓንቴ ያኦሲና ዔርቴያ ማዓኔ።

4 ዓካሪ ሜሌ" ያኦዘም ሹኪንቴ ዓሽኪ ዛላ ታ ጋዓህ" ሜሌ" ያኦዘ ሃያ ዓጮ"ይዳ ዓይጎዎቴዎኣህ ኑ ዔራኔ፤ ዬያጉዲ ፔቴ" ያኦዘህዳፓ ዓታዛ ሜሌ" ያኦሲ ባኣህያ ኑ ዔራኔ። 5 ሚርጌ፡ ያኦሲ ጌይንታ ባኣዚ"ና ጎዳቴ ጌይንታይ ዓኣኔ፤ ጋዓንቴ ጫሪንጫ ማዔቴያ ሳይይዳ ያኦሲ ጌይንታ ካኣሽኮ ባኣዚ" ዓኣቴያ፥ 6 ኩኩኮ ጋዓንቴ ቢያ ባኣዚ" ዒዛይዳፓ ማዢንቴያ፥ ኩኩኒያ ዒዛም ማዢንቴያ ፔቴ" ያኦሲ ማዔ ዓዳ ዓኣኔ፤ ዬያጉዲ ሃሣ ቢያ ባኣዚ" ዒዛ ዛሎ"ና ማዢንቴያ ኩኩኒያ ዒዛ ዛሎ"ና ማዢንቴ፥ ፔቴ" ጎዳ ዬሱሰ ኪሪሰቶሴ ኩኩኮ ዓኣኔ።

7 ጋዓንቴ ዬያ ቢያህ ዔራዎሴ፤ ፔቴ" ፔቴ"ዘንህ ሃህ ሄላ"ንዳኣና ሜሌ" ያኦዘ ካኣሽኪህ ዔራህር ዬያጉዴ ዓሽኮ ዔያታ ሙዓህ ሜሌ" ያኦዘም ሹኪንቴያ ማሂኬ፤ ዒና" ዔያቶኮ ዔያቶ ዳቢንቴያኬ ጋዓህር ዔያታ ዒኢታኔ። 8 ጋዓንቴ ያኦሲና ኩኩና ዎላ" ካንህህ ሙኡዚ"ቴዎሴ፤ ኑ ሙዒባኣቴያ ፓጫንዳ ባኣዚ" ባኣሴ፤ ኑ ሙዔቴያ ባሺ ዳንቃንዳ ባኣዚ" ባኣሴ።

9 ዬይ ያዲ ማዔቴያ ዬይ ኮዔ ጎይያ ማዲፍ፥ ኪሪሰቶሴ ጉሙርቁያና ዶዲባኣ ዓሶ ዳቢሻያ ማዐዎጉዲ ዒንህና ዔራዎቴ።
 10 ዓይጎር ጌዔቴ «ታ ዔራኔ» ጌዒ ሜሌ" ያኦዘም ሹኪንቴ ዓሽኮ

ካኣዠ ማእራ ኔ ዴዒ ሙዓንቴ ኪሪሰቶሴ ጉሙርቂ ዶዲባኣ ዓሢ ኔና ዴንቁቴ ዬይ ማዳ" ኔኤኮ ሜሌ" ያኦዘም ሹኪንቴ ዓሸኮ ሙዓንዳጉዲ ዓሢ ማሃያቱዋዓዳ? 11 ዬያሮ ኔኤኮ «ታ ዔራኬ» ጌይያና ኪሪሰቶሴ ዒዛ ጋይቴ ሃይቁሢና ጉሙርቂያና ዶዲባኣሢ ባይቁኔ ጌይሢኩ። 12 ዬያይዲ ኪሪሰቶሴ ጉሙርቂ ዓንሢኮ ዒሽንሢንታ ሚሽንሢንታ ዳቢሺያና ሃሣ ዔያቶኮ ላቤ" ዒኖ ባሼ ላቢ"ሲያና ኪሪሰቶሴም ዋይዘ ዒፃያ ማዒ ዒንሢ ዳባኔ። 13 ዬያሮ ሙኡዚ" ታኣኮ ኪሪሰቶሴ ጉሙርቂ ዒሻሢንታ ሚሽንታ ዳቢሻያ ማዔቴ፣ ታ ዒሻሢንታ ታ ሚሽንታ ዲቂሲያይዳፓ ፔቴ"ታዎ ዓሸኪ ታ ሙዓዓ።

9

ያኦሲ ማዶም ዳኪንቴ ዓሲም ኮይሳ ባኣዚ"

1 ታኣኒ ቢያ ባኣዚ" ማዳኒ ዳንዳዓ ዓሲቱዋዓዳ? ያኦሲ ማዶ"ማኣ ታ ዳኪንቴያቱዋዓዳ? ኑ ጎዳሢ ዬሱሴ ታ ዘገባኣዓዳ? ጎዳ ዬሱሴም ታ ማዶ ማዶ"ኮ ዓኣፓ ዒንሢቱዋዓዳ? 2 ጎዳ ታና ያኦሲ ማዶ"ም ዳኬያ ማዔሢ ዔርዛ ማላታ" ዒንሢ ማዔሢሮ ሃንጎዋታ ታና ያኦሲ ማዶ"ም ዳኪንቴያኬ ጌይባኣቴያ ዒንሢም ጋዓንቴ ታ ጎኔና ያኦሲ ማዶ"ም ዳኪንቴሢኩ።

3 ያኦሲ ማዶ"ም ዳኪንቴያ ዘሎ" ታና ደንካ ዓሶም ታ ሂዚ ጋዓኔ፡- 4 ሙዎ ባኣዚ"ና ዑሽኮ ባኣዚ"ና ታኣም ኮይሱዋያዳ? 5 ያኦሲ ማዶ"ም ዳኪንቴ ሜሌ"ዘንሢና ጎዳ ዬሱሴኮ ጌርሲንሢና ጴጂሮሴንሢናጉዲ ኪሪሰቶሴ ጉሙርቂ ላኣሊ ዔኪ ዋላ" ሃንታኒ ኮይሱዋኣሢ ታና ሌሊዳ? 6 ሃሣ ኑና ዋይሢ ማዲ ላቢ" ናንጋኒ ኮይሳሢ ባርናባሴና ታኣና ሌሊዳ? 7 ዒንጎ ሚኢሺ ባኣንቴ ፔ ሚኢሺና ፖኦሊሴ ማዒ ማዳይ ያናዳይ? ሃሣ ዋይኖ ቱካ"ዎ ዓኣፓ ካፃዛ ሙዑዋኣሢ ያናዳይ? ቆልም ሄንቃያታዎ ዲኢቆ ዑሽኮዋይ ያናዳይ?

8 ሓያ ታ ጋዓሢ ዓሲ ማሊሢና ሌሊዳ? ሙሴ ዔርዜ ዋጋ" ሂዚ ጎውዋዓዳ? 9 ዋጎይዳ፡- «ሃኣኮ ሺርካ ጌሜኮ ዳንጎ ቱኪ"ፖ» ጌይንቴ ፃኣፒንቴኔ። ሂዳዎ ያኦሲ ዬያ ጌዔሢ ጌማቶም ማሊዳ?

10 ዒዚ ዬያ ጌዔሢ ጎኔና ኑ ዘሎ"ቱዋዓዳ? ጎኔኩ፣ ዬይ ፃኣፒንቴሢ ኑ ዘላኬ፤ ዓይጎሮ ጌዔቴ ጎሽካሢ ሃሣ ሃኣኮ ሺርካሢ ሃኣኮይዳፓ ዒዛም ሄላ"ንዳያ ዓኣሢ ዔሪ፣ ሃጊ ማዓንዳ ዋዛ ጌሣሢሮኩ። 11 ኑኣኒ ዒንሢም ዓያና ባኣዚ" ዜርቃዎ ዒንሢዳፓ

9:9 ላሚ. ዋማ 25:4፤ 1፻ዎ. 5:18።

ዓሲ ዲንጋ ባአዚ" ዴንቄቴ ዬይ ዳኤፒ ባአዚ"ዳ? 12 ሃንጎዋታ ዬያ ባኮ ዲንሢዳፓ ዴንቃያ ማዔቴ ዓካሪ ኑኡኒ ዬያፓ ባሺ ዴንቃኒ ኮይሱዋዓዳ?

ኑኡኒ ጋዓንቴ ዬያይዲባአሴ፤ ኑኡኒ ዬያ ሃሺ"ሢ፡ ኪሪሰቶሴ ኮዦ ሃይሶ ማድ"ኮ ዲቆ ማዑዋጉዲ ቢያ ባአዚ" ገቢ" ኑ ዳንዳዎም ጌይኬ። 13 ጌኤዦ ማአሮይዳ ማዳ ዓሳ ሙዎ ዲኢካፓ ዴንቃሢንታ ሹጮና ማዦና፡ ያኦሲም ዲንጎ ቤዘይዳ ማዳ ዓሳኣ ዲንጎ ባኮይዳፓ ዔኪ ሙዓሢ ዲንሢ ዔሩዋዓዳ? 14 ዬያጉዲ ኮዦ ሃይሶ ኬኤዛ ዓሳ ዔያታ ሙዓንዳ ባኮ ዬኖ ማዳ ማድ"ይዳፓ ዴንቃንዳጉዲ ጎዳ ዓይሢ።

15 ታኣኒ ጋዓንቴ ዬያ ታኣም ኮይሳ ባኮይዳፓ ፔቴ"ታዎ ዔኪባአሴ፤ ዬይ ታኣም ሃሢ ያዲ ማዓንዳጉዲ ጌይቱዋሴ ሃያ ታ ዲንሢም ያኣፓሢ፤ ታ ጫርቂ ጌሰቴ ባኮ ጉሪ ማሃያይዳፓ ታ ሃሃይቄቴ ቃራኬ። 16 ኮዦ ሃይሶ ኬኤዘያ ታኣም ዓይሢንቴ ዓይሥሢ ማዔሢሮ ታና ሄርሺንቴሳ ባአዚ"ቱዋሴ፤ ታኣኒ ኮዦ ሃይሶ ኬኤዘባኣያ ማዔቴ ታና ባዴዔ! 17 ኮዦ ሃይሶ ቃኣሎ" ናሽኪ ታ ኬኤዘያ ማዔቴ ላቢ"ዎ ዛሎ" ታኣም ዲንጊንታንዳ ባአዚ" ዓኣኔ፤ ዓይሥሢና ታ ኬኤዘያ ማዔቴ «ማዴ» ጌይ ዓይሢንቴሢ ኩንሢያፓገቴም ሜሌ" ባአዚ" ታ ማዴኔ ጌይሢቱዋሴ። 18 ሂዳዎ ታኣኮ ላቢ"ዎም ዲንጊንታ ባካ ዓይጌንዴዳይ? ዓካሪ ታኣም ዲንጊንታ ባካ ኮዦ ሃይሶ ታ ኬኤዘኣና ታኣም ኮይሳ ባኮ ዔኩዋዎ፡ ዔኤቢ ባኣያ ማዲሢኬ።

19 ታኣኒ ዓይጎ ዓሲኮዋ ካራሚቱዋሴ፤ ማዔቴያ ታኣም ዳንዳዒንቴ ጎይዳና ሚርጌሢ ዳቂሻኒ ጌዒ ቢያሢኮ ታ ካራሚ ማዔኔ። 20 ዓይሁዴ ዓሶ ታ ዳቂሻኒ ዓይሁዴ ዓሶና ዓይሁዴ ዓሲ ታ ማዔኔ፤ ዋዚ ታ ሙሴ ዔርዜ ዋጎም ዓይሢንቴዋያ ማዔቴያ ሙሴ ዋጎም ዓይሢንታ ዓሶ ዳቂሻኒ ጌዒ ዔያቶጉዲ ታ ማዔኔ። 21 ዋዚ ታኣኒ ያኦሲ ዋጋፓ ኬሰኪባኣያ ሃሢ ኪሪሰቶሴ ዋጎማኣ ዓይሢንታያታዎ ዋጋባኣ፡ ዓይሁዴቱዋ ዓሶ ዳቂሻኒ ዔያቶጉዲ ታ ማዔኔ። 22 ኪሪሰቶሴ ጉሙርቂዎና ላቤ"ዘንሢ ዳቂሻኒ ታ ዔያቶጉዲ ማዔኔ፤ ዳንዳዒንቴ ጎይዳና ፔቴ" ፔቴ"ዘንሢ ዳቂሻኒ ቢያሢና ዋላ" ቢያ ባአዚ" ታ ማዔኔ።

23 ዬያ ታ ቢያ ማዴሢ ኮዦ ሃይሶኮ ዓንጃ ዴንቃኒ ኮዦ ሃይሶ ዛሎ"ሮኬ። 24 ጳዦ ሄሌላሢዳ ቢያሢ ጳሽካዎ ዔያቶይዳፓ ፔቴ"ማ ሌሊ ቢሬሢ ዛሎ" ዲንጎ ባኮ ዔካሢ ዲንሢ ዔሩዋዓዳ? ዬያሮ ዲንሢያ ባሺ ዔኮ ባኮ ዴንቃኒ ጳሽኩዋቴ። 25 ሄሌሎ ጳሽካ ዓሲ

9:11 ሮሜ 15፡27። 9:13 ላሚ. ዋማ 18፡1። 9:14 ማቴ. 10፡10፤ ሉቃ. 10፡7።

ጳጉሎን ቤርታ ሚርጌና ላቢ" ጳሽኪ ጳሽኪ ዔራኔ፤ ዔያታ ዩያይዲ ላባ"ሢ፡- ባይቃ ባአዚ"ና ጳካ" ዎዳሮ ማዓ ቦንቾ ባኮ ዔካኒከ፤ ኦኡኒ ጋዓንቴ ላቢ"ንታሢ' ባይቁዎናና ናንጊና ናንጋያ ማዔ፥ ቦንቾ ባኮ ዳንቃኒከ። 26 ታአኒ ጋዓንቴ ሄሎ"ንዶ ቤሲ ባአንቴ ጉሪ ጳሽካ ዓሲጉዲቱዋሴ፤ ሃሣ ዠባሬ ዲላ" ዓሲጉዲ ጉሪ ታ ላባ"ያቱዋሴ፤ 27 ዩያሮ ሜሌ" ዓሶም ከኤዛያ ታአሮ ታ ጉሪ ዓቱዋጉዲ ታ ዑፃ ፑርታ ባአዚ" ማዳንዲያይዲፓ ዎልቁና ቃዚ ቃዚ ታአም ዓይሢንታጉዲ ታ ማሃኔ።

10

ዓሰራዔኤሌ ዓሶ ሄሌ" ሜታሢ ኮኦከንሃ

1 ታ ዒሾንሃ! ታ ሚሾንሃ! ኦ ዓድንሢኮ ሻአራ ዑፃ ሺቤም ዔያታ ዓአዳሢና ዙቁ ባዘ"ና ዔያታ ፒንቄሢ ታ ዒንሢሚም ጳቂሢኒ ኮዓኔ።

2 ዔያታ ሙሴና ዎላ" ፔቴ" ማዓኒ ዩያ ሻአሮና ባዘ" ዎአያናይዲ ማሰቴኔ። * 3 ዔያታ ቢያሢ ፔቴ" ዓያና ሙኡዚ" ሙዔኔ። 4 ቢያሢ ሃሣ ፔቴ" ዓያና ዑሺ ዑሽከኔ፤ ዩይ ዔያታ ዑሽከሢሢ" ዔያቶና ዎላ" ዓአዳ ዓያኖ ላላሢዲፓከ፤ ዩይ ላላሢ ፔ ቶኦኪና ኪሪሰቶሴከ።

5 ያዳ ወሃቴያ ያኦሲ ዔያቶኮ ሚርጌሢና ዎዛዲባአሢሮ ሌዛ ዔያቶኮ ዓሲናንጉዎ ዳውሎ"ይዲ ከኤሪንቴ ዓቴ"ኔ።

6 ዔያታ ፑርታ ባአዚ" ሱኡካዳሢጉዲ ኦኡኒያ ፑርታ ባአዚ" ሱኡካዲዎጉዲ ዩይ ኦም «ዒንሢና ዔሩዋቴ» ጋዓ ላቲሢ ኮኦከንሢ ማዓኔ። 7 «ዓሳ ሙዒ፥ ዑሽካኒ ዳዔኔ፤ ኮርጋኒያ ዔቄኔ ተ»

ጌይንቴ ፃአፒንቴሢጉዲ ሃሣ ዔያታ ሜሌ" ካአሽኮ ባአዚ" ካአሽከ ጎይያ ዒንሢያ ዔያቶጉዲ ሜሌ" ካአሽኮ ባአዚ" ካአሽኪፖቴ።

8 ዔያቶይዲፓ ፔቴ" ፔቴ" ዓሳ ማቾ ሃሣ ዓኒ ማዒባአያና ላሂ፥ ጎሜ ማዳሢጉዲ ኦኡኒያ ዓኒ ሃሣ ማቾ ማዒባአያና ላሂባአቴ ኮሺከ፤ ዓይጎር ጌዔቴ ዔያታ ዩያ ማዳሢሮ ዔያቶይዲፓ ላማታሚ" ሃይሃ ሺያ ዓሲ ፔቴ" ከሌ"ና ሃይቄኔ። 9 ሃሣ ዔያቶኮ ፔቴ" ፔቴ" ዓሳ

10:1 ከሲ. ማፃ 13፥21-22፤ 14፥22-29። * **10:2** ሙሴና ዎላ" ፔቴ" ማዓኒ ማሰቴኔ፡- ጌይያ ሙሴ ዔያቶ ዳውሴሢና ዔኪ ዓአዳሢያ ማሂ ዔያቶኮ ጉሙርቄያ ጳዎያከ። **10:3** ከሲ. ማፃ 16፥35። **10:4** ከሲ. ማፃ 17፥6፤ ፓይ. ማፃ 25፥1-18። **10:5** ፓይ. ማፃ 14፥29-30። **10:6** ፓይ. ማፃ 11፥4። † **10:7** ኮርጋኒያ ዔቄኔ ጋዓዛ፡ ጌሪኮ ሙኡጮ ማፃአፖይዲ «ዓማላ"ኒ ዔቄኔ» ጋዓኔ፤ ዩይ ዓይጎዳይ ጌዔቴ ዓሳ ሙይ ዑሽከሰካፓ ሜሌ" ካአሽ ካአሽከሢና ማቾ ሃሣ ዓኒ ማዒባአያና ላሂሢ ጳዎያከ። **10:7** ከሲ. ማፃ 32፥6። **10:8** ፓይ. ማፃ 25፥1-18።

ጎዳ ተ «ዲ ዋይታቲያ ኑ ዛጎም» ጌዲ ሸክተና ደይንቲ ሃይቁሂጉዲ ኑኡኒያ ያዲ ማዲባኣቲ ኮሺኬ። 10 ዔያቶይዳፓ ፔቴ" ፔቴ" ዓሳ ደንኪ፣ ጉንዲሜም ያኦሲ ዳኬ ዋዲ ከኢታንቻሂ ዔያቶ ዋዲ ባይዘሂጉዲ ዒንሂያ ያዲ ማዲባኣቲ ቃራኬ።

11 ዬይ ቢያ ባካ ዔያቶ ሄሌ"ሂ ኑም ኮኦኪንሂ ማዓንዳጉዲኬ፤ ሃሃ ፃኦፒንቲሂያ ዋደ"ኮ ጋፒንፆይዳ ዓኣ፣ ኑም «ዒንሂና ዔሩዋቴ» ጋዓ ላቲሂምኬ።

12 ዬያሮ «ጉሙርቁፆና ታ ደዲ ዓኣኔ» ጋዓሂ ሎኦሙዋጉዲ ፔና ኮሺ" ዔሮንጎ። 13 ዓሲ ሜሌ"ይዳ ሄሌ"ባኣ፣ ያኦሲ ዛጋኒ ዳካ ሜታ ዒንሂ ሄሌ"ባኣኬ፤ ያኦሲ ጉሙርቁንታያታሂሮ ዒንሂ ዳንዳዓንዳሂኮ ዑሃ ዓኣዴ ዒንሂ ሜታዳንዳጉዲ ዒ ኮዑዋሴ፤ ዒንሂም ሜታሂ ዒንገ ዒንሂ ዛጎ ዋደ"ና ዳንዳዓንዳጉዲ ዋልቁ ዒንገ፣ ዒንሂ ኬሰካንዳ ጎይሂያ ዒንሂም ዒ ገኢገሻኔ።

14 ዓካሪ ዒገሮንሂሮቴ! ሜሌ" ካኣሽኮ ባኮ ካኣሽኪፖቴ። 15 ዬያ ታ ዒንሂም ጋዓሂ ዒንሂ ዔራ ዓሲ ማዔሂሮኬ፤ ሂንዳ ታ ኬኤዛ ባኮ ዒንሂ ዒንሂሮ ዋጉዋቴ። 16 ያኦሲ ሸኢቁ ኑኡኒ ዑሽካ ባካ ከሪሰቶሴ ሱጉፆና ፔቴም ዓኣያቲዋዓዳ? ሃሃ ኑኡኒ ዋላ" ዔካ ካፃ ከሪሰቶሴና ዋላ" ፔቴ"ቲዋዓዳ? 17 ኑ ሙዓሂ ፔቴ" ካሃ ሌሊታሂሮ ዋዚ ኑ ሚርጌታቲያ ፔቴ" ዑሂኬ።

18 ሂንዳ ዒሰራዔኤሌ ዴራ" ማዴ ባኮ ማሉዋቴ፤ ያኦሲም ዒንጎና ባኮ ሙዓዛንሂና ሹጮና ኮሻ"ና ዒንጎ ቤዘናኮ ፔቴም ባኣዓዳ?

19 ሂዳዖ ሜሌ" ካኣሽኮ ባኮም ሹኪንቲ ቆልሞ ዓሽኮና ሃሃ ካኣሽኮ ባካኣ ዔኤቢኬ ታ ጋዓኔ ጌይሂዳ? 20 ያዲቲዋሴ፤ ያኦሲ ዔሩዋ ዓሳ ቆልሞ ሹካሂ ያኦሲምቲዋንቲ ፑርቶ ዓያኖምኬ፤ ዬያሮ ዒንሂ ፑርቶ ዓያኖና ዋላ" ፔቴ" ማዓንዳጉዲ ታ ኮዑዋሴ። 21 ጎዳ ባኮ ዑሽኪ ዑሽኪ ሃሃ ፑርቶ ዓያኖ ባኮዋ ዒንሂ ዑሽኪ ዳንዳዑዋሴ፤ ዬያጉዲ ሃሃ ጎዳ ባኮ ሙዒ ሙዒ ፑርቶ ዓያኖ ባኮዋ ዒንሂ ሙዒኒ ዳንዳዑዋሴ። 22 ዓካሪ ኑኡኒ ጎዳ ባኮ ሃሺ"ፆና ዒዛ ዳጋሶንዶ? ኑ ዒዛይዳፓ ባሽ ደዲኬ ጌይሂዳ?

23 «ቢያ ባኣዚ" ማዳንዳጉዲ ዓይሂንቲያኬ» ጋዓንቲ ቢያ ባካ ማኣድ"ያቲዋሴ፤ «ቢያ ባካ ማዳንዳጉዲ ዓይሂንቲያኬ» ጋዓንቲ

† 10:9 ጎዳ- ጋዓዛ ፔቴ" ፔቴ" ማፃኣፓ «ከሪሰቶሴ» ጋዓኔ። 10:9 ፓይ. ማፃ 21፣5-6። 10:10 ፓይ. ማፃ 16፣41-49። 10:16 ማቲ. 26፣26-28፤ ማር. 14፣22-24፤ ሉቃ. 22፣19-20። 10:18 ሉዊ. ዓኬ 7፣6። 10:20 ላሚ. ዋማ 32፣17። 10:22 ላሚ. ዋማ 32፣21።

ቢያ ባካ ኮሻ"ያቱዋሴ። 24 ፔቴ" ፔቴ"ሢ ሜሌ"ሢሣም ማዓ ባኮዋ ማላንዳኢፓዓቲም ፔኤም ማዓ ባኢዚ" ሌሊ ዛጎፓ።

25 ዒኔና ማሊ ሂርጉዋዎ፡ ቦኣካይዳ ሻንቺንታ ዓሸኮ ዚቲ ጋዓዎ ሙዑዋቲ፤ 26 ዓይጎር ጌዔቴ፡- «ሳዖና ጋርይዳ ዓኣ ባካ ቢያ ጎዳሮኬ» ጌይንቲ ፃኣፒንቴኔ።

27 ኪሪሰቶሴ ጉሙርቁዋ ዓሲ ሙኡዚ" ሙዖም ዒንሢ ዔኤሌ"ያ ማዓም ዒንሢ ዓኣዳኒ ኮዔቴ ዒኔና ማሊ ሂርጉዋዎ ዚቲ ጌይ ዒንሢም ዒንገንቲ ዓይጎ ሙኡዚ"ታቴያ ቢያ ሙዑዋቲ። 28 ጋዓንቲ ፔቴ" ዓሲ፡- «ሃይ ዓሸካ ሜሌ" ካኣሸኮ ባኢዚ"ም ሹኪንቴያኬ» ዒንሢም ጌዔቴ፡ ዬያ ኬኤዜ ዓሢንታ ዒኔ ቆዒ ማሊ ማሊያንታር ጌሊጋፓ ዬያ ሙዒፖቴ። 29 ማሊያ ታ ጌዔሢ ዓሢ ማሊያር ጌይሢ ማዓንዳኢፓዓቲም ዒንሢሲቱዋሴ፤ ዓካሪ ሜሌ" ዓሲ ማሊሢ ዛላ ጌሢ ዋይቲ ታና ላኣገንታይ? 30 ታኣኒ ያኦሲ ጋላቲ ጋላቲ ሙዔቴ ያኦሲ ታ ጋላቲ ሙዔ ባኮና ዋይቲ ታ «ዳቤኔ» ጌይንታይ?

31 ዓካሪ ሙዒቶዋ፡ ዑሽካቶዋ ዓይጎ ባኢዚ"ያ ማዳቲ ቢያ ባኢዚ" ያኦሲ ቦንቾም ማዳቶቴ። 32 ዓይሁዶ ዓሶም ማዔቴያ ዓይሁዶ ማዒባኣ፡ ጌሪኮ ዓሶም ሃሃ ኪሪሰቶሴ ጉሙርቃ ዓሶማኣ ዲቆ ማዒፖቴ። 33 ታኣኒ ቢያሢ ዲቃንዳጉዲ ሜሌ" ዓሶም ኮይሳ ባኮ ማዓንዳኢፓዓቲም ታኣም ኮይሳ ባኮ ኮውዋዎ ቢያ ዓሲ፡ ቢያ ባኢዚ"ና ታ ዋዛሳሢጉዲ ዒንሢያ ዬያይዲዋቴ።

11

1 ታኣኒ ኪሪሰቶሴ ማዳ ጎይዎ ማዳሢጉዲ ዒንሢያ ታ ማዳ ጎይዎማ ማዳቶቴ።

ዳምቤና ያኦሲ ካኣሸኪሢ ዛላ

2 ታ ማዳ ባኮና ታ ዒንሢ ዔርዜ ባኮና ደዲሺ ዓርቁ ዒንሢ ጳቂሣሢር ታ ዒንሢ ጋላታኔ። 3 ጋዓንቲ ዓቲንቁኮ ቢያ ዑፃ ቢታንቶ ዓኣሢ ኪሪሰቶሴ ማዔሢ፡ ላኣሊ ዑፃ ቢታንቶ ዓኣሢ ዓቲንቁ ማዔሢ፤ ሃሃ ኪሪሰቶሴ ዑይይዳኣ ቢታንቶ ዓኣሢ ያኦሲ ማዔሢ ዒንሢ ዔራንዳጉዲ ታ ኮዓኔ። 4 ቶኦኪ ካንቁ ያኦሲ ሽኢቃያና ያኦሲ ማሊሢ ኬኤዛ ዓቲንቁ ቢያ ዒዛኮ ቶኦካ"ሢ ማዔ ኪሪሰቶሴ ቦሂሳኔ፤ 5 ዬያጉዲ ቶኦኮ" ፔኤኮ ያሹዋዎ ሽኢቃያ፡ ሃሃ ያኦሲ ማሊሢ ኬኤዛ ላኣሌላኣ ዒዛኮ ቶኦካ"ሢ ማዔ ዓቲንቃሢ ቦሂሳኔ፤ ዋይቲ ጌዔቴ ፔ ቶኦኮ" ያሹዋ ላኣሌላ ጉኡሊ"ንቴያጉዲ ማዓሢርኬ። 6 ላኣሊ ፔ ቶኦኮ" ያሹዋዎ ማዔቴ

10:23 1ቆር. 6፡12። 10:26 ዓይኑ. 24፡1። 11:1 1ቆር. 4፡16፤ ፒልጲ. 3፡17።

ቶኦኮ" ፔኤኮ ታይዞንጎ፤ ጋዓንቴ ቶኦኮ" ታይዚያንታ ጉኡሊ"ያንታ ቦርሳያ ዒዞም ማዔቴ ቶኦኮ" ያሾንጎ። 7 ዓቲንቄ ያኦሲ ማሎና ሃሣ ያኦሲ ቦንቾም ማዓያ ማዔሢሮ ፔኤኮ ቶኦኮ" ካንቃንዳያ ኮይሱዋሴ፤ ላኣሊ ጋዓንቴ ዓቲንቄኮ ቦንቾ ማዓያኬ። 8 ዋይቲ ጌዔቴ ላኣሊ ዓቲንቄይዳፓ ማዢንቴያፓዓቴም ዓቲንቄ ላኣሊፓ ማዢንቴባኣሢሮኬ። 9 ሃሣ ላኣሊ ዓቲንቄም ማዢንቴያፓዓቴም ዓቲንቄ ላኣሊም ማዢንቴባኣሴ። 10 ዬያ ዛሎ"ንታሮ ሃሣ ያኦሲ ከኢታንቻኦ ዒዞ ዛጋሢሮ ጌዒ ላኣሊ ዓቲንቄ ቢታንቶ ዴማ" ማዔሢ ዔርዛኒ ቶኦኮ" ፔኤኮ ያሾንታንዳያ ኮይሳኔ። 11 ጎዳ ማሊያና ላኣሊ ዓቲንቄ ባኣያ፣ ዓቲንቄ ላኣሊ ባኣያ ማዑዋያኬ። 12 ዓይጎሮ ጌዔቴ ላኣሊ ዓቲንቄይዳፓ ማዢንቴሢጉዲ ዓቲንቄያ ላኣሊዳፓ ሾይንታሢሮኬ፤ ጋዓንቴ ዓቲንቄ ማዔቴያ ላኣሊ፣ ሃሣ ቢያ ባኣዚያ ጴዳሢ ያኦሲዳፓኬ።

13 ሂንዳ ዒንሢሮ ዋጉዋቴ፤ ላኣሊ ፔኤኮ ቶኦኮ" ያሾዋያ ያኦሲ ሸኢቁፃ ቃራዳ? 14 ዓቲንቄ ሃሣ ፔኤኮ ቶኦኮ" ዲቼቴ ገኢጉዋያታሢ ያኦሲ ቢያ ባኮ ናንጎም ጌዔ ጎይፃፓ ዒንሢም ዔርቱዋዓዳ? 15 ላኣሊ ጋዓንቴ ጋፓና ዒዞም ዒንገንቴሢ ቶኦኮ" ዒዞ ያሾንዳጉዲ ማዔሢሮ ጋፓና ፔኤኮ ዒዞ ዲቼቴ ዒዞም ቦንቾኬ። 16 ዬያ ዛሎ" ማርማኒ ኮዓ ዓሲ ዓኣቶ ኩኡኮ ማዔቴያ ማሌ" ከሪሰቶሴ ጉሙርቃ ዓሶኮ ዬያይዶ ዳምቤ ባኣሴ።

ጎዳ ማደ" (ማቲ. 26፥26-29፤ ማር. 14፥22-25፤ ሉቃ. 22፥14-20)

17 ዒንሢ ቡከንታኣና ዒንሢ ማደ ባካ ባባይዛ ባኣዚ" ማዓንዳፓዓቴም ዒንሢ ፓሣ ባኣዚ" ማዒባኣሢሮ ታ ዒንሢም ሃሢ ዓይሣ ዓይሢያና ዒንሢ ጋላታኒቱዋሴ። 18 ቢያፓ ቤርታ ዒንሢ ፔቱም ቡከንቶ ቡካኣና ባኣካ" ዒንሢኮ ዲሙም ዓኣሢ ታ ዋይዜኔ፤ ታ ዋይዜ ባኮኮ ዛላ" ጎኔ ማዓንዳኔ ታ ጋዓኔ። 19 ጒዜ ማዔዞንሢ ዋንሢ ማዔቴያ ዲማዲ ዔርታንዳጉዲ ዒንሢ ባኣካ" ዲማዲፃ ማዢንቴንዳሢ ኮይሳያኬ። 20 ዒንሢ ቡከንታፃ ሙዋ ሙዓ ጎዳ ማደ" ካሦቱዋሴ። 21 ዋይቲ ጌዔቴ ዒንሢ ሙዓኣና ፔቴ"ይ ባጋሢ ካፑዋያ፣ ፔኤሮማ ሩኡሪ ሙዓኔ፤ ዬያይዲያና ፔቴ"ይ ናይዲንታዛ ባጋሢ ማሢንታኔ። 22 ዔዛታ! ዒንሢ ሙዓያናኣ ዑሽካ ማኣሪ ዒንሢኮ ባኣዓዳ? ሃንጎታቴ ዒንሢ ከሪሰቶሴ ጉሙርቃ ዓሶ ቦሃኔ ጌይሢዳ? ሃሣ ዓይጌያ ባኣ፣ ሜታዳ ዓሶ ዒንሢ ቦርሲሳኔ ጌይሢዳ?

11:7 ማዢ. ማፃ 1፥26-27። 11:9 ማዢ. ማፃ 2፥18-23።

ዓካሪ ታ ዲንሢ ወዚ ጋዓንዳይ? ዬያ ባኮር ታ ዲንሢ ጋላቶንዶ? ፔቴ"ታዎ ታ ዲንሢ ጋላታዓኩ።

23 ታኣኒ ጎዳይዳፓ ዔሪ፥ ዲንሢሚኣ ታ ዔርዛሢ ሃያኩ፤ ጎዳ ዬሱሴ ዓርቂንቲ ዲንጊንቲ ዋንቴሎ ካሣ ዔኩ። 24 ያኦሲ ሸኢቄሰካፓ ቡንፃዎ፡- «[ሃቦቲ ሙዑዋቲ፤] ሓይ ዲንሢ ዛሎ" ዲንጊንታንዳሢ፥ ታናኩ፤ ሃያና ታና ጸቂሣያ ማሁዋቲ» ጌዔኔ። 25 ዬያጉዲ ካሦኮ ጊንፃ ዑሽኮ ባኮ ዔኩ፡- «ሓይ ዑዠ ታኣኮ ሱጉዎና ማዓ ዓኮ ጫኣቃሢኩ፤ ዲንሢ ዑሽካኣና ቢያ ሃያና ታና ጸቂሣያ ማሁዋቲ» ጌዔኔ።

26 ዬያር ሃያ ካዎ ዲንሢ ሙዓኣና ዑዠዋ ዲንሢ ዑሽካኣና ቢያ ጎዳ ሙካንዳያ ሄላ"ንዳኣና ዲዛኮ ሓይቦ" ዛሎ" ዲንሢ ኬኤዛንዳኔ። 27 ያኦኒያ ዲዛም ኮይሱዋያ ጎይሢና ሓያ ካሦ ቦሢ ሙዒ፥ ዑዠዋ ዑሽኬቲ ጎዳና ሱጉዎናኮ ጋሌ ዓሲ ማዓንዳኔ።

28 ዬያር ዓይጎ ዓሲያ ማዎም ዬያ ካሦ ሙዒዎና ዑዠዋ ዑሽኪዎናኮ ቤርታ ፔና ዛጋንዳያ ኮይሳኔ። 29 ዓይጎ ዓሲያ ማዎም «ጎዳኬ» ጌዒ ሙዎ ካሣ ዓይጎታቲያ ዲማሲ ዔሩዋዎ ጎዳ ማሊ ጸቂሶ ካዎ

ሙዒ ዑዠዋ ዑሽኬቲ ፔ ቶኣካ" ሜቶ ዔኪ ሙካኔ። 30 ዲንሢ ባኣካ"ፓ ሚርጌሢ ላቢ"ንቲሢ፥ ሓርጌሢ ሃሣ ሓይቂሢያ ዬያ ዛሎ"ናኩ። 31 ዎንዴ ኦና ኦ ዛጊ ዔሬዎታቲ ያዲ ኦ ጊዳ" ፑርታና ዎጊንቲንዳዋያታንቲኬ። 32 ጋዓንቲ ጊንፃፓ ዓጮ"ና ዎላ" ኦ ፑርታና ዎጊንቲዋጉዲ ጎዳ ሃሣ ኦ ዔርዎ ጌዒ ፑርታና ዎጋኔ።

33 ዬያር ታ ዲሾንሦ! ታ ሚሾንሦ! ጎዳ ማዶ" ሙዎ ሙዓኒ ዲንሢ ቡካኣና ዎሊ ካፑዋቲ። 34 ዲንሢ ቡኪንታኣና ዲንሢ ፑርታና ዎጊሳ ባኣዚ" ማዑዋጉዲ ዲንሢ ባኣካ" ናይዴ ዓሲ ዓኣቶ ፔኤኮ ማኣራ ሙዎንጎ። ዓቲ" ባኮ ዲንሢ ኮራ ታ ሙካዎ ማዶንዶ ጎይዎ ኬኤዛንዳኔ።

12

ዓያና ጌኤሺ ዲንጋ ዲንጊሢ

1 ታ ዲሾንሦ! ታ ሚሾንሦ! ሃሣ ዓያኖ ጌኤዠ ዲንጋ ዲንጊዎኮ ጎኩሞ ዲንሢ ዔራንዳጉዲ ታ ኮዓኔ። 2 ቤርታ ዲንሢ ያኦሲ ዓሲ ማዒባኣ ዎዶ"ና ጌሰታኒ ዳንዳዑዋ ካኣሽኮ ባኮ ካኣሽካንዳጉዲ ሴካ ሃንጋ ዲሾንቲ ዲንሢ ዔኪ ዓኣዲንቲሢ ዲንሢ ዔራኔ። 3 ያኦኒያ ያኦሲ ዓያናና ኬኤዛዎ፡- «ዬሱሴ ጋዳንቂንቲያኩ!» ጋዓ ዓሲ ባኣሴ፤ ዬያጉዲ ሃሣ ዓያና ጌኤሺና ማዒባኣያታዎ፡- «ዬሱሴ ጎዳኬ!» ጋዓ ዓሲ ባኣሢ ታ ዲንሢም ኬኤዛኔ።

11:25 ኬሲ. ማፃ 24፥6-8፤ ዓር. 31፥31-34።

4 ዲማ ዲማ ዓያና ጌኤሽ ዒንጋ ዒንገሢ ዓኣኔ፤ ዓያና ጌኤሽ ጋዓንቴ ፔቴ"ኬ። 5 ዲማ ዲማ ማዶ ዓኣኔ፤ ጎዳ ጋዓንቴ ፔቴ"ኬ። 6 ዲማ ዲማ ማዶንታ ባኣዚ" ዓኣኔ፤ ጋዓንቴ ቢያ ባኮ ቢያሢና ማዶሢ ፔቴ" ያኣዛሢ። 7 ፔቴ" ፔቴ"ሢም ዓያና ጌኤዮ ፔጋሲ ደዋ ባኮ ደዋሢ ቢያሢ ማኣዳ"ንዳጉዲ። 8 ፔቴ"ሢም ጨንጨ ጌሰታንዳጉዲ ዓያና ጌኤዮ ዛሎ"ና ዒንገንታኔ፤ ባጋሢም ሃሃ ዬኖ ዓያና ዛሎ"ና ዔራቶና ጌሰታንዳጉዲ ዒንገንታኔ። 9 ፔቴ"ሢም ሃሃ ዬኖ ዓያና ዛሎ"ና ያኣሲ ጉሙርቂሢ ዒንገሢ ዒንገንታኔ፤ ባጋሢም ገንሢ ሐርጌፓ ዓሲ ፓሥሢ ዒንገሢ ዒንገንታኔ፤ 10 ዬያጉዲ ሃሃ ዓቴ"ሢም ያኣሲ ዋልቁና ማዶንታ ዓከ ባኣዚ" ማዶንዳ ዋልቁ ዒንገንታኔ፤ ባጋሢም ገንሢ ያኣሲ ማለሢ ኬኤዚሢ ዒንገሢ ዒንገንታኔ፤ ሜሌ"ሢም ሃሃ ዒንገንታ ዒንገገ ዓያና ጌኤሽፓታቴያ ፑርታ ዓያናፓታቴያ ዲማሲ ዔራንዳ ዒንገሢ ዒንገንታኔ፤ ዬያጉዲ ፔቴ"ሢም ዓከ ሙኡቲና ጌሰታንዳጉዲ ዒንገሢ ዒንገንታኔ፤ ሜሌ"ሢም ገንሢ ዬያ ዓኮ ሙኡጮና ጌሰቲንቴ ባኮ ቡላ"ንዳ ዒንገሢ ዒንገንታኔ፤ 11 ዬይያዲ ማዔቴያ ዬያ ቢያ ማዶሢ ዬያ ፔቴ" ዓያና ጌኤዮኬ፤ ዓያና ጌኤሽ ኮዔሢ ጎይያ ፔቴ" ፔቴ"ሢም ዲማ ዲማ ዒንገሢ ዒንጋኔ።

ፔቴ" ዑሢኮ ዲማ ዲማ ቤሲ

12 ፔቴ" ዑሢኮ ዲማ ዲማ ቤሲ ዓኣኔ፤ ዑያኮ ሚርጌ ቤሲ ዓኣያታቴያ ዬይ ሚርጌ ቤዛ ዬኖ ፔቴ" ዑያይዳኬ። ዬያጉዲ ኪሪሰቶሴ ሚርጌ ቤሲ ዓኣ ፔቴ" ዑሢጉዲኬ። 13 ዋይቲ ጌዔቴ ዓይሁዴታቴያ ዓይሁዴ ማዒባኣ ገሪኬ ዓሳ፣ ዓይሉታቴያ ዓይሉ" ማዒባኣ ዓሳ ፔቴ" ዑሢ ማዒኒ ዓያና ጌኤዮና ኑ ማሰቴኔ፤ ሃሃ ቢያሢ ዬያ ፔቴ" ዓያናሢ ኑ ዑሽካንዳጉዲ ኑም ዒንገንታኔ።

14 ፔቴ" ዑሢ ማዢንቴሢ ሚርጌ ዲማ ዲማ ቤሲና ማዓንዳኣፓዓቴም ፔቴ" ቤሲናቱዋሴ። 15 ዬያሮ ቶኪ፡- «ታኣኒ ኩቲቱዋኣሢሮ ዑሢኮ ፔቴ" ቤሲቱዋሴ» ጌዔቴያዲ ጌይያና ዑሢኮ ፔቴ" ቤሲ ማዒያ ዓታንዳ? 16 ዋይዚያ፡- «ታኣኒ ዓኣፒቱዋኣሢሮ ዑሢኮ ፔቴ" ቤሲቱዋሴ» ጌዔቴ ዓካሪ ዬያ ጌይያና ዑያኮ ፔቴ" ቤዛ ማዒያ ዓታንዳ? 17 ሃንዳ ዑሢ ቢያ ዓኣፒ ሌሊ ማዔቴ ዔኤቢ ዋይዛ ባኣዚ" ዓንካፓ ጴዳንዳያናንዳይ! ሃሃ ዑሢ ቢያ ዋይዚ ሌሊ ማዔቴ ዔኤቢ ጴሂ ዔራ ባኣዚ" ዓንካፓ ጴዳንዳያናንዳይ! 18 ሃሢ ጋዓንቴ ያኣሲ ኮዔሢ ጎይያ ዑያኮ ፔቴ" ፔቴ" ቤዛ ዑያይዳ ኮይሳ ቤዛ ቤዛ ማዓንዳጉዲ ጌሢኔ። 19 ዑሢ ማዢንቴሢ ፔቴ" ቤሲና

12:11 ሮሜ 12፡6-8። 12:12 ሮሜ 12፡4-5።

ሌሊ ማዕቴ ኩሙሢ ዑሢ ጌይንታሢ ዓንካፓ ጴዳንዳያናንዳይ? 20 ዓካሪ ዑሢኮ ደማ ደማ ቤሲ ዓኣያ ማዕቴያ ዑሢ ፔቴ" ሌሊኬ።

21 ዓኣፒ ኩቺ ኮራ፡- «ኔኤኒ ታኣም ኮይሱቀሴ» ጋዒ ደንዳዑቀሴ፤ ቶኦኪያ ቶኪ ኮራ፡- «ኔ ታኣም ኮይሱቀሴ» ጋዒ ደንዳዑቀሴ፤ 22 ጎና «ፓሡቀያኬ» ጌይንታ ቤዛታያ ሚርጌና ኦም ኮይሳያኬ። 23 «ዳካኬ» ኦ ጋዒ ኦ ዑያ ቤዛ ባሼ ኦ ቦንቻኔ፤ ሃሃ ኦና ቦርሲሳያ ማዓ ቤዘቀ ሚርጌና ኦ ሂርጊ ካፓኔ። 24 ቦንቹንታ ዑያም ጋዒንቴ ዬይ ቢያ ኮይሱቀሴ። ቦርሲሳያ ማዒ ጴዳ ቤዛ ባሼ ቦንቹንቴ ዓርቂንታንዳጉዲ ዑያኮ ፔቴ" ቤሲ ማሂ ያኦሲ ማኸኔ። 25 ዬያ ዒ ማጴሢ" ፔቴ" ዑያኮ ደማ ደማ ቤዛ ደማደቀዎ ዋለም ማላንዳጉዲ ጌይኬ። 26 ዑሢኮ ፔቴ" ቤሲ ሚታዳኣና ዓቴ" ዑያኮ ቤዛ ቢያ ዋላ" ሚታዳኔ፤ ሃሃ ፔቴ" ቤሲ ቦንቹንታኣና ዋላ" ቢያሢ ቦንቹንታኔ።

27 ዬያጉዲ ዓካሪ ዒንሢ ኪሪሰቶሴ ዑያኬ፤ ዒንሢ፣ ፔቴ" ፔቴ"ሢ ዒዛ ዑያኮ ደማ ደማ ቤዘኬ። 28 ዬያሮ ያኦሲ ፔቴ" ፔቴ" ዓሶ ሺኢጲያ ማኣሮይዳ ደማ ደማ ማዶ ዓኣያ ማዓንዳጉዲ ማሄኔ፤ ዬያ ጎይያና ፔቴ" ጋዒያ ያኦሲ ማዶ"ም ዳኪንቴዘንሢ፣ ላምዓሳዎ ያኦሲ ማላሢ ኬኤዘዘንሢ፣ ሓይሣሳዎ ዔርዘዘንሢ ማሂ ዓሶ ዶኦሬኔ። ዬያጉዲ ሃሃ ያኦሲ ዋልቄና ማዳንታ ዓኪ ባኣዚ" ማዳዘንሢ፣ ሓርጌ ዓሶ ፖዒሳ ዒንጊሢ ዓኣዘንሢ፣ ዓሲ ማኣዲ"ሢ ዒንጊሢ ዓኣዘንሢ፣ ዓሲ ዎይሥሢ ዒንጊሢ ዓኣዘንሢና ዓኪ ሙኡቺና ጌሰቲሢ ዒንጊሢ ዓኣዘንሢ ጌሣኔ። 29 ዬያሮ ቢያሢ ያኦሲ ማዶ"ም ዳኪንቴያቱቀሴ፤ ቢያሢ ሃሃ ያኦሲ ማላሢ ኬኤዘያቱቀሴ፤ ቢያሢ ዓሲ ዔርዘያቱቀሴ፤ ቢያሢ ያኦሲ ዋልቄና ማዳንታ ዓኪ ባኣዚ" ማዳያቱቀሴ፤ 30 ቢያሢኮ ሓርጌ ዓሲ ፓሢ ዒንጊሢ ዓኣያቱቀሴ፤ ቢያሢ ዓኪ ሙኡቺና ጌሰታኒ ዳንዳዑቀሴ፤ ቢያሢ ሃሃ ዓኮ ሙኡጮና ጌሰቶናሢ ቡላ"ኒ ዳንዳዑቀሴ። 31 ጋዒንቴ ቢያሢፓ ባሼ ማዕ ዒንጊያ ዳንቃኒ ኮዑቀቴ።

ዓካሪ ታ ዒንሢ ቢያፓ ባሼ ማዕ ጎይሢ ዳዎንዳኔ።

13

ናሹሞ ዛላ

1 ዓሲ ጌሰታ ሙኡቺታቲያ ሃሃ ያኦሲ ኪኢታንቻ ጌሰታ ሙኡቺያ ጌሰቲ ታ ዔሬንቴ ናሹሞ ታኣኮ ባኣያታቴ ያኦላ" ሉኡለና ሂቾናጉዲ ታ ማዕኔ ጌይሢኬ። 2 ያኦሲ ማላሢ ኬኤዘሢ ዒንጊሢ ታኣኮ

12:28 ዓፕ. 4:11።

ዓኣቶዎ ሃሣ ዓኣሺንቴ ባኣዚ" ቢያ ታ ዔራያ ማዔቴያ፥ ዩያጉዲ ቢያ ባኣዚ" ታ ዔሬቴያ ሃሣ ዲኮ" ፔቴ" ቤስካፓ ሺኢሻንዳ ያኦሲ ጉሙርቁሣ ታኣኮ ዓኣቴያ ናሹሞ ባኣያታቴ ዩይ ታኣኮ ጉሪኬ።
 3 ታኣኮ ዓኣ ባኮ ቢያ ማንቆ ዓሰም ታ ዒንጋያ ማዔቴያ፥ ታ ዑያታያ ታሚዳ ሚጫንዳጉዲ ታ ማሃያ ማዔቴያ ናሹሞ ታኣኮ ባኣቴ ዓይጎዎ ታና ዩይ ማኣዳ"ዓኬ።

4 ናሹሞ ገቢ" ዳንዳዒሳያኬ፤ ሃሣ ኮሺ ባኣዚ" ማዲሻኔ፥ ቁኢሪሱዋሴ፥ ሄርሺንቴሱዋሴ፥ ያቶርሱዋሴ፤ 5 ኮይሱዋያ ባኣዚ" ማዲሹዋሴ፥ ፔ ባኣዚ" ሌሊ ኮይሲሱዋሴ፥ ዳጋሱዋሴ፥ ዳቦናቴያ ዳቢንቶ ዓርቁሱዋሴ። 6 ናሹሞ ዓኣ ዓሲ ጎኔ ማዔ ባኣዚ"ና ዎዛዳኣፓዓቴም ፑርታ ባኣዚ"ና ዎዛዳዋሴ፤ 7 ቢያ ባኣዚ" ገቢ" ዳንዳዒሳኔ፤ ቢያ ባኣዚ"ና ያኦሲ ጉሙርቁሳኔ፤ ቢያ ባኣዚ"ዳ ሃጊ ማዓንዳ ዎዛ ጌሣሳኔ፤ ቢያ ባኣዚ"ያ ደዲ ዓኣሣሳኔ።

8 ናሹሞ ዓኣ ዓሲ ቢያ ዎዳ ናናንጋኔ፥ ባይቁዋሴ፤ ያኦሲ ማለሣ ኬኤዚሣሣ ዒንጊሣ ማዔቴያ ዳካ" ዎዳሮ ማዔሣረ ባባይቃኔ፤ ዓኪ ሙኡቸና ጌሰቲሣ ማዔቴያ ዳካ" ዎዳሮታሣረ ዓታኔ፤ ዔራቶ ማዔቴያ ባይቃኔ። 9 ዎይቲ ጌዔቴ ኦኡኒ ዔራ ባኮ ማዔቴያ ያኦሲ ማለያ ኬኤዛሣታቴያ ዛላ ኦ ዔሪ ኬኤዛያ ማዔሣረኬ። 10 ጋዓንቴ ጉቤ ማዔ ባካ ሙካዛ ዛላ ማዔ ባካ ዓታንዳኔ።

11 ናይ ታ ዓኣ ዎዶ"ና ናይጉዲ ታ ጌሰታኔ፥ ማለኔ፤ ሃሣ ቢያ ባኮ ታ ዛጋኔ። ደዲ ዓሲ ታ ማዓያ ጋዓንቴ ናኣቴዎ ማለያ ታ ሓሹ"ኔ። 12 ሓሣ ኦኡኒ ለማሌኤሺና ዛጎሣጉዲ ለም ለም ጌዔ ባኣዚ" ዛጋኔ፤ ዩናና ጋዓንቴ ኦ ጌኤሺ" ዛጋንዳኔ። ሃሣ ታ ዔራሣ ዔቦኮ ዛላኬ፤ ዩናና ጋዓንቴ ያኦሲ ታና ዔራ ጎይያጉዳያ ኩሙሣ ዔራቶ ዓኣያ ታ ማዓንዳኔ።

13 ዓካሪ ጉሙርቁሣና ሓገ ማዓንዳ ዎዛና ናሹሞና፥ ዩንሣ ሃይሦንሣ ባይቁዋያ ማዒ ናንጋንዳኔ፤ ዩንሣ ባኮይዳፓ ባሽዛ ናሹሞኬ።

14

ያኦሲ ማለሣ ኬኤዚሣና ዓኪ ሙኡቸ ጌሰቲሣና ዛላ

1 ናሹሞ ዓይሣ ጎይያማ ማዲዋቴ፤ ሃሣ ዓያኖ ጌኤዦ ዒንጊያ ባሽና ያኦሲ ማለሣ ኬኤዚሣ ሚርጌና ኮዑዋቴ። 2 ዓኪ ሙኡቸና ኬኤዛሣ ያኦሲም ኬኤዛኔ፥ ዓሲም ኬኤዙዋሴ፤ ዎይቲ ጌዔቴ ዓኣሺንቴ ባኣዚ" ዓያና ጌኤሺ ዎልቄና ኬኤዛያ ማዔሣረ ዒ ኬኤዛ

13:2 ማጉ. 17፥20፤ 21፥21፤ ማር. 11፥23።

ባኮ ዔራ ዓሲ ባኣሴ። 3 ያኦሲ ማለሢ ኬኤዛሢ ጋዓንቴ ዓሶ ኮሻ"ኒና ዘራኒ ሃሃ ደዲሻኒ ዓሲም ኬኤዛኔ። 4 ዓኪ ሙኡቸና ጌሰታሢ ፔና ሌሊ ኮሻ"ኔ፤ ያኦሲ ማለሢ ኬኤዛሢ ጋዓንቴ ኪሪሰቶሴ ጉሙርቃ ዓሶ ቢያ ደዲሺ ማኸኔ።

5 ዒንሢ ቢያሢ ዓኪ ሙኡቸና ጌሰታቴ ቃራታንቴ፣ ባሺ ታናሽካሢ ያኦሲ ማለሢ ዒንሢ ኬኤዛቶኬ፤ ዓይጎሮ ጌዔቴ ኪሪሰቶሴ ጉሙርቃ ዓሶ ቢያ ደዲሺ ማኸንታንዳጉዲ ዓኮ ሙኡጮና ጌሰቲንቴሢ ቡላ"ይ ባኣያ ማዔቴ ዓኪ ሙኡቸና ጌሰታ ዓሲዳፓ ያኦሲ ማለሢ ኬኤዛሢ ባሺከ። 6 ዓካሪ ታ ዒሾንሃ! ታ ሚሾንሃ! ታ ዒንሢ ኮራ ሙካዖ ዓኪ ሙኡቸና ጌሰታቴ ዓይጎ ዒንሢ ታ ማኣዳ"ንዳይ? ዩያይዳፓ ዒንሢ ማኣዳ"ንዳሢ ያኦሲኮ ዓኣሺንቴ ባኮ ፔጋሲ ኬኤዙቴ፣ ዔራቶና ጌሰታቴ፣ ያኦሲ ማለሢ ኬኤዙቴ፤ ሃሃ ዒንሢ ዔርዘንደ ባኣዚ" ዔርዘቴከ።

7 ሹሉንጎና ጎኦላ"ናጉዳ፣ ሹምፓባኣ ኮፆም ማዓ ባኮኮታዖ ዲማ ዲማ ዋርቁንታ ዑኡሲ ባኣያ ማዔቴ ዔያታ ያኦላ"ዛ ዓይጎ ማዔቴያ ዋዲ" ዔርታኒ ዳንደዓይ? 8 ያልዚም ዋርቁንታ ዛያሢ ዔርቱዋ ጎይሢ ዋርቁንቴቴ ያልዚም ያኦኒ ጌኣጌንታንዳይ? 9 ዩያጉዲ ዒንሢ ዔርታ ሙኡቸና ኬኤዚባኣቶ ዒንሢ ኬኤዛ ባኮ ያኦኒ ዔራኒ ዳንደዓንዳይ? ዠባሪይዳ፣ ጉሪ ዒንሢ ኬኤዛያ ማዓንዳኔ። 10 ዓጮ"ይዳ ቢያ ሚርጌ ሙኡቸ ዓኣኔ፤ ጋዓንቴ ቢያሢኮ ፔ ጌሰታ ጎይሢ ዓኣያኬ። 11 ዓካሪ ጌሰቲንቴ ሙኡጮ ዋዚ ጋዓቴያ ታ ዔራዋያ ማዔቴ ዩያ ዓሢም ታ ዓኪ ማዓንዳኔ፤ ዒዚያ ታኣም ዓኪ ማዓኔ። 12 ዒንሢያ ዓያኖ ጌኤኮኮ ዒንጊዖ ሚርጌና ኮዓሢሮ ባሺ ዒንሢ ኮዓንዳያ ኮይሳሢ ኪሪሰቶሴ ጉሙርቃ ዓሶ ደዲሺ ማኸ ዒንጊዖ ዒንሢም ሚርጋንዳጉዲከ።

13 ዩያሮ ዓኪ ሙኡቸና ጌሰታ ዓሲ ጌሰቲንቴ ባኮ ቡሊ" ኬኤዛኒ ዳንደዓሢ ዒዛኮ ዓኣያ ማዓንደጉዲ ሺኢቆንጎ። 14 ዓኪ ሙኡቸና ታ ሺኢቃ ዋዲ"ና ዓያኖ" ታኣኮ ሺኢቃኔ፤ ታኣኒ ጋዓንቴ ዔራ ባኣዚ" ባኣያ ማዓ ዓታኔ። 15 ዩያሮ ታ ዋዲ"ንዳያ ኮይሳይ ጌዔቴ ዓያናና ታ ሺኢቃንዳኔ፤ ሃሃ ጌንሣ ታ ዒኖናኣ ሺኢቃንዳኔ፤ ዓያናኣ ታ ያኦሲም ዓይናዳንዳኔ፤ ታ ዒኖናኣ ያኦሲም ታ ዓይናዳንዳኔ። 16 ያዲ ማዓባኣያታቴ ኔኤኒ ዓያኖና ሌሊ ያኦሲ ጋላታኣና ኔ ጋዓ ባኮ ዔራዋ ዓኪ ዓሲ «ዓኣጫን» ዋዲ" ጋዓንዳይ? 17 ኔኤኒ ሺኢቃ ጋላቶ ሺኢጲፃ ሚርጌና ቃራ ማዓኒ ዳንደዓኔ፤ ጋዓንቴ ሜሌ" ዓሲ ዩይ ደዲሺ ማኸዋያ ማዓኔ።

18 ታኣኒ ዒንሢ ቢያሢዳፓ ባሺ ዓኪ ሙኡቸና ጌሰታሢሮ ያኦሲ ታ ጋላታኔ። 19 ጋዓንቴ ዓኪ ሙኡቸና ሜሌ" ዓሶ ዔርዘኒ ሚርጌ ሺያና

ፓይዲንታ ባአዚ" ኬኤዚሢዳፓ ኪሪሰቶሴ ጉሙርቃ ዓሶ ባአካ" ደንጎ ባአዚ" ዔርታ ሙኡቸና ታ ዒናፓ ማሊ ታ ኬኤዜቴ ባሼኬ።

20 ታ ዒሾንሦ! ታ ሚሾንሦ! ፑርታ ባአዚ" ማዲሢሞ ናይ ማዑቀቴ፣ ዒንሢ ማላ ማሊ፣ ያና ናይ ማዒፖቴ፣ ማላ ማሊ፣ ያና ጋዓንቴ ዒናጅ፣ ደዲ ዓሲ ማዑቀቴ። 21 ዬይያ፡-

« «ዓኪ ሙኡቸ ጌሰታ ዓሶ ዛሎ"ና
ሃሣ ማሌ" ዓሲ ሙኡቸና ሓያ ዴሮ"ሞ ታ ኬኤዛንዳ፤
ያዲ ማዔቴያ ዔያታ ታኣሲ" ዋይዚንዲዋሴ ጎዳ ጋዓ፤»

ጌይንቴ ፃኣፒንቴ።።

22 ዬይያ ዓኪ ሙኡቸና ጌሰቲሢ ማላታ ማዓሢ ኪሪሰቶሴ ጉሙርቁዋ ዓሶምኬ፣ ኪሪሰቶሴ ጉሙርቃ ዓሶምቱዋሴ፤ ያኦሲ ማሊሢ ኬኤዚሢ ጋዓንቴ ማላታ ማዓሢ ኪሪሰቶሴ ጉሙርቃ ዓሶምኬ፣ ጉሙርቁዋ ዓሶምቱዋሴ።

23 ዓካሪ ኪሪሰቶሴ ጉሙርቃ ዓሶ ቡኪንቴ ዋደ"ና ቢያሢ ዓኪ ሙኡቸና ጌሰታንቴ ዬይ ባካ ዔርቱዋያ ሃሣ ኪሪሰቶሴ ጉሙርቁዋ ዓሲ ሙኪ ዬያ ጌሰታ ዓሶ ዛጋያ፡- «ሃይ ዓሶ ዣኣሽካ፤!» ጋኣዓዳ?

24 ጋዓንቴ ቢያሢ ያኦሲ ማሊሢ ኬኤዛያ ማዔም ዬያ ባኮ ዔራዋያ ሃሣ ኪሪሰቶሴ ጉሙርቁዋ ዓሲ ሙኬቴ ኬኤዚንታ ባኮ ቢያ ዋይዛያ ዬያና ጫታንዳ፤ ዳቢንቶ ፔኤሲ"ያ ዴንቂ ዔራንዳ። 25 ሃሣ ዒናኣ ዒዛኮ ዓኣሺንቴ ባኣኣ ፔጋዲንዳ፤ ጊንሣ ሃሣ ዒ ባሊቶና ሳዓ ሎኦሚ፡- «ጎኔና ያኦሲ ዒንሢ ባአካ"ኬ!» ጌዒ ያኦሲ ካኣሽካንዳ።

ዳምቤና ያኦሲ ካኣሽኪሢ ዛላ

26 ታ ዒሾንሦ! ታ ሚሾንሦ! ዓካሪ ታ ሂዚ ጋዓ፤- ያኦሲ ካኣሽካኒ ዒንሢ ቡኪንታኣና ዒንሢዳፓ ፔቴ" ፔቴ"ሢኮ ያኦሲም ዓይናዲሢ ዒንጊሢ ዓኣ፤ ባጋሢኮ ዔርዚሢ ዒንጊሢ ዓኣ፤ ዓቴ"ሢኮ ሃሣ ዓኣሺንቴ ባኮ ፔጋሲ ዔርዚሢ ዒንጊሢ ዓኣ፤ ማሌ"ሢኮ ጊንሣ ዓኪ ሙኡቸና ጌሰታንዳ ዒንጊሢ ዓኣ፤ ባጋሢም ዬያ ዓኮ ሙኡጮና ጌሰቲንቴሢ ቡላ"ንዳ ዒንጊሢ ዒንጊንቴያ ዓኣ። ዓካሪ ዬይ ቢያ ዒንጊያ ኪሪሰቶሴ ጉሙርቃ ዓሶ ደዲሺ ማዣያ ማዓኒ ኮይሳ።

27 ዓኪ ሙኡቸና ጌሰታይ ዓኣቶ ላምያ፣ ሚርጌቴ ሓይሦ ማዒ ፔቴ" ፔቴ" ኬኤዛንጎ፤ ዔያታ ኬኤዛሢ ማሌ" ዓሲ ቡሎ"ንጎ። 28 ጌይንቴ ባኮ ቡሊ" ኬኤዛ ዓሲ ባኣያታቴ ጋዓንቴ ዓኮ ሙኡጮና ጌሰታ ዓሶ፣ ዓሶ ባአካ" ዚቴ ጌዒ፣ ጋርሲና ፔኤና ያኦሲናም ኬኤዛንጎ። 29 ያኦሲ ማሊያ ኬኤዛዘንሢ ላምያ ሃንጎ ሃይሦ ማዒ ኬኤዛንጎ፤ ሃንጎዋታ ጋዓንቴ ኬኤዚንቴ ባኮ ዋይዚ ኮሺ" ዲማሲ ዔሮንጎ። 30 ዒማ"ና

14:21 ዓሲ. 28፣11-12።

ቡኪንቴ ቤዛ ዴዔ ዓሶይዳፓ ፔቴ" ዓሶም ያኦሲ ኬኤዜቶ ቤርታ ኬኤዛሢ ዚቲ ጎያንጎ። 31 ፔቴ" ፔቴ"ሢ ዔራንዳፕዲና ዶዳንዳፕዲ ዒንሢ ሲያሢ ፔቴ" ፔቴ" ዔቁ ዔቁ ያኦሲ ኪኢቶ" ኬኤዛኒ ዳንዳዓ። 32 ያኦሲ ማለያ ኬኤዛ ዓሶኮ ዓያና" ያኦሲ ማለያ ኬኤዛ ዓሶም ዓዓይሢጎታ። 33 ጌሰቶ ጌኤዘኮ ዛለ ኑ ቤሲ ባይዛንዳፕዲ ያኦሲ ኮዑዋሴ፤ ጋዓንቴ ቢያ ባካ ኮሹዋና ማዓንዳፕዲ ኮዓ።

ያኦሲ ዴሮ" ባኣካ" ቢያ ማዲንታሢፕዲ፡- 34 ላኣላ ቡኪንቴ ዓሶ ባኣካ" ዚቲ ጎያንጎ፤ ዓይጎሮ ጌዔቴ ሙሴ ዔርዜ ዎፓ" ዓይሢ ጎይያ ዔያታ ዓዓይሢጎታንዳፓ ዓቴ"ሞ ኬኤዛንዳፕዲ ዔያቶም ዓይሢጎቲባኣሴ። 35 ዔያታ ፔቴ" ፔቴ" ባኣዚ" ዔራኒ ኮዔቴ ፔኤኮ ዓኒንሢ ማኣራ ዴንዳያ ያኦጮንጎ፤ ዓይጎሮ ጌዔቴ ዓሳ ቡኪንቴ ቤዛ ላኣላ ኬኤዛኒ ገኢኮዋያ፡ ቦርሲሳያታሢሮከ።

36 ያኦሲ ቃኣላ" ኬሰከሢሢ ዒንሢ ኮራፓዳ? ሃሣ ያኦሲ ቃኣላ" ሄሌ"ሢሢ ዒንሢሞ ሌሊዳ? 37 «ታኣኒ ያኦሲ ማለሢ ኬኤዛያከ፤ ሃሣ ታኣም ዓያና ዒንጌ ዒንገሢ ዓኣኔ» ጋዓ ዓሲ ዓኣቶ ሓይ ታ ዒንሢሞ ፍኣፓሢ ጎዳ ዓይሥሢ ማዔሢ ዔርንጎ። 38 ዬያ ዔራኒ ኮዑዋ ዓሲ ዓኣቶ ዒዚያ ዔርቶፓ።

39 ዬያሮ ታ ዒሾንሣ! ታ ሚሾንሣ! ያኦሲ ማለሢ ኬኤዛኒ ሚርጌና ኮዑዋቴ፤ ዓኪ ሙኡቸና ጌሰቲያዎ ላኣገፕቴ፤ 40 ጋዓንቴ ቢያ ባካ ኮይሳ ጎይሢና ሃሣ ዳምቤና ማያንጎ።

15

ኪሪሰቶሴኮ ሓይባፓ ዔቁያ

1 ታ ዒሾንሣ! ታ ሚሾንሣ! ታ ዒንሢሞ ኬኤዜ ኮዦ ሓይሶ ቃኣሎ" ሃሣ ገንሣ ታ ዒንሢሞ ጰቁሣኒ ኮዓ፤ ዬይ ኮዦ ሓይሶ ቃኣላ" ዒንሢ ዋይዚ ዔኬሢና ዬያና ዶዲ ዒንሢ ዔቁ ዓኣሢከ።

2 ታኣኒ ዒንሢሞ ኬኤዜ ኮዦ ሃይሶ ቃኣሎ" ዶዲሺ ዒንሢ ዓርቁቴ ዬያ ኮዦ ሃይሶ ቃኣሎ"ና ዒንሢ ዳቃንዳ፤ ያዲ ማዒባኣያታቴ ዒንሢኮ ዬይ ፕሙርቁፃ ፕሪከ።

3 ታኣኒ ዋይዚ ዔኬሢና ቢያፓ ቤርታ ኮይሳያ ማዔ ባኮ ዒንሢሞ ታ ዔኪ ሄሊ"ሴ፤ ዒንሢሞ ታ ሄሊ"ሴ ባካ፡- ጌኤዦ ማፃኣፓሮዳ ፃኣፒንቴሢ ጎይያ ኪሪሰቶሴ ኑኡኮ ጎሞ ዛሎ"ሮ ሓይቁ፤ 4 ዲኡቴ፤ ሃይሣሳ ኬሎ"ና ሃይባፓ ዔቁ፤ ጋዓያከ። 5 ዬካፓ ኬፓም፡ ሄሊ"ሳያ ታጾ ላምያ ዳኪንቴዘንሢሞ፡ 6 ሃሣ ገንሣ ዶንጎ ጻኤታፓ ዑሣ

15:4 ዓይኑ. 16:8-10፤ ማቲ. 12:40፤ ዳኪ. ማዶ" 2:24-32። 15:5 ማቲ. 28:16-17፤ ማር. 16:14፤ ሉቃ. 24:34-36፤ ዮሐ. 20:19።

ማዓ ዲዛኮ ጊንጾ ሃንታዞንሚም ፔቴ"ና ጴጵኔ፤ ዬያቶይዳፓ ባሽህ ሸምፔና ዓኣኔ፤ ፔቴ" ፔቴ"ዞንሚ ጋዓንቴ ሃይቁኔ። 7 ዬካፓ ሃህ ያይቆኦቤም፣ ሄሊ"ጳዖ ያኦሲ ማዶ"ም ዳከንቴዞንሚም ቢያ ጴጵኔ፤ 8 ቢያሚኮ ጋፒንጾይዳ ዳውቴ ኬሊ"ዳ ሸይንቴያፕዱ ማዔሚ፣ ታኣም ጴጵኔ።

9 ታኣኒ ያኦሲ ማዶ"ም ዳከንቴዞንሚዳፓ ቢያ ላኣፓ፣ ያኦሲ ማዶ"ም ዳከንቴሚ ጌይንቴ ዔኤሊ"ንታኒያ ታኣም ኮይሱዋያኩ፤ ዓይጎሮ ጌዔቴ ታኣኒ ከሪሰቶሴ ጉሙርቃ ዓሶ ዓዲ ዳውሴያታሚሮኩ። 10 ጋዓንቴ ያኦሲኮ ኮሹማፓ ዔቁያና ታ ሃሚ ዓኣ ጎይጾ ዓኣያ ማዔኔ፤ ያኦሲ ፔ ኮሹሞና ታኣም ዒንጌ ባካ ጉሪ ዓቲባኣሴ፤ ዑሣ ዓኣጴ፣ ሃንጎዋቶይዳፓ ባሽ ዶዲ ታ ማጴኔ፤ ጋዓንቴ ዬያ ማጴሚ ያኦሲ ታኣም ኮሹሞና ዒንጌ ዒንጊጾ ማዓንዳኣፓ ዓቲም ታናቲዋሴ። 11 ዓካሪ ታናንታ ዔያቶንታ ኦኡኒ ኬኤዛሚ ዬያኩ፤ ዒንሚያ ጉሙርቁሚ ዬያኩ።

ሓይቁ ዓሲኮ ዔቁሚ ዛላ

12 ከሪሰቶሴ ሓይባ"ፓ ዔቁሚ ኬኤዚንታያ ማዔቴ ዒንሚዳፓ ፔቴ" ፔቴ" ዓሳ፡- «ሓይቁ ዓሲ ዔቁዋሴ» ዋይቲ ጋዓይ? 13 ሓይቢዳፓ ዓሲ ዔቁዋያ ማዔቴ ከሪሰቶሴያ ሓይባ"ፓ ዔቁባኣሴ ጌይሚዳ! 14 ከሪሰቶሴ ሓይባ"ፓ ዔቁባኣያ ማዔቴ ኑ ኬኤዛ ባከንታ ዒንሚ ጉሙርቃ ባካኣ ጉሪኬ ጌይሚዳ! 15 ሃሚ «ያኦሲ ከሪሰቶሴ ሓይባ"ፓ ዔቁሴኔ» ጌይ ኑ ኬኤዚያና ሉኡዙሞና ኑ ያኦሲም ማርካጴኔ ጌይሚዳ! ዓካሪ ሓይቁ ዓሳ ሓይባ"ፓ ዔቁዋያ ማዔቴ ያኦሲ ከሪሰቶሴያ ሃይባ"ፓ ዔቁሲባኣሴ ጌይሚኩ። 16 ሓይቁ ዓሳ ሓይባ"ፓ ዔቁዋቴ፣ ከሪሰቶሴያ ሓይባ"ፓ ዔቁባኣያኩ ጌይሚኩ። 17 ከሪሰቶሴ ሓይባ"ፓ ዔቁባኣያ ማዔቴ ዒንሚኮ ጉሙርቁፃ ጉሪኬ ጌይሚኩ! ሃሚ ሄሊ"ንዳኣና ዒንሚ ጎሜ ዋልቁኮ ዴማ"ኬ ጌይሚኩ። 18 ከሪሰቶሴ ጉሙርቁጾ ሓይቁ ዓሳኣ ማይ ጋፔኔ ጌይሚኩ። 19 ከሪሰቶሴይዳ ሃጊ ማዓንዳ ዋዛ ኑ ጌሃሚ ሃያ ዓጮ" ናንጎሮ ሌሊ ማዔቴ ዓሲ ቢያይዳፓ ባሽ ዓሲኮ ዋልቃ ጌላያ፣ ኑ ላኣፓ ዓሲኩ።

20 ጋዓንቴ ከሪሰቶሴ ሃይቁ ዓሳ ዔቃንዳሚ ዔርዛያ ማዔ፣ ጎኔ ሓይባ"ፓ ዔቁኔ። 21 ሓይቢ ሙኩሚ ፔቴ" ዓሚ ዛሎ"ና ማዔሚጉዲ ሃይቢፓ ዔቁሚ ሙኩሚያ ፔቴ" ዓሲ ዛላናኩ። 22 ዓዳኣሜ ዛሎ"ና ዓሲ ቢያ ሃይቃሚጉዲ፣ ዓሲ ቢያ ከሪሰቶሴ ዛሎ"ና ሸምፔ ዴንቃንዳኔ። 23 ጋዓንቴ ፔቴ" ፔቴ"ሚም ዬይ ማዓንዳሚ ፔ ዋዳና

15:8 ዳኪ. ማዶ" 9፡3-6። 15:9 ዳኪ. ማዶ" 8፡3።

ዎዳናኬ፤ ኪሪሰቶሴ ሃይቢፓ ዔቁሢኮ ቶይዳሢ ማዔኔ፤ ጊንፃፓ
 ዒዚ ሙካእና ዒዛሮ ማዔዘንሢያ ሃይባፓ ዔቃንዳኔ። 24 ዩካፓ
 ዓካሪ ዒዚ ፑርቶ ዓያና" ዎይሢ ዎይሢያና ቢታንቶና ሃሣ ዎልቆዎ
 ቢያ ባይዚ፥ ካእቱዎዎ ያኦሲ ዓደም ማሄ ዎድ"ና ዓጮ"ኮ ጋፒንፃ
 ማዓንዳኔ። 25 ዬያሮ ያኦሲ ዒዛኮ ሞርኮ ቢያ ዒዛ ባሺሳንዳያ
 ሄላ"ንዳእና ዒ ካእታዳኒ ኮይሳኔ። 26 ጋፒንፃይዳ ባሺንታንዳ፥
 ሞርካሢ ሓይቢኬ፤ 27 ዓይጎሮ ጌዔቴ፡- «ያኦሲ ቢያ ባኦዚ" ዒ ባሺ
 ዎይሢንዳጉዲ ማሄኔ» ጌይንቲ ፃኦፒንቲሢሮኬ። ጋዓንቲ፡- «ቢያ
 ባኦዚ" ዒ ባሺ፥ ዎይሢንዳጉዲ ማሄኔ» ጋዓዛ፥ ቢያ ባኦዚ" ዒ ባሺ
 ዎይሢንዳጉዲ ዒዛ ዴማ" ማሄ፥ ያኦሲ፥ ዓዳሢያ ዒ ዎይሢንዳኔ
 ጌይሢቱዋሴ። 28 ቢያ ባካ ኪሪሰቶሴ ቢታንቶ ዴማ" ማዔሢኮ ጊንፃ
 ያኦሲ፥ ዓዳሢ ቢያ ባኮ ዎይሢንዳጉዲ ናዓሢ ፔኤሮ ቢያ ባኮ ዒዛ
 ቢታንቶ ዴማ" ማሄ ያኦሲ፥ ዓዳሢ ቢታንቶ ዴማ" ማዓንዳኔ።

29 ዓካሪ ሓይቁ ዓሳ ዔቁዎያ ማዔቲ ዓሳ ሃይቁ ዓሳ ዛሎ" ዎኦያ
 ማሰታሢ ዓይጎ ማኦዳ"ንዳይ? ሓይቁ ዓሳ ማሊ ዔቁዎያ ማዔቲ
 ዓሳ ዔያቶ ዛሎ" ጌዒ ዓይጋ ማሰታይ? 30 ኦኦኒ ቢያ ዎ ሜታዲ
 ናንጋሢ ዓይገንዴሮዳይ? 31 ታ ዒሾንሣ! ታ ሚሾንሣ! ቢያ ኬሊ"
 ታ ሓይቁያ ዓቲ ዓቲ ናንጋኔ፥ ዬይ ጎኔኬ፤ ዬያጉዲ ኦ ጎዳሢ ዬሱሰ
 ኪሪሰቶሴና ዒንሢኮ ዓኦ ፔቱማኦ ጎኔኬ፤ ዬያ ታ ጫርቁ ጋዓኔ።
 32 ታኦኒ ዔፕሶኔይዳ ሶፖጉዴ ዓሶና ያልቲሢ ዓሲ ማሊሢሮ ሌሊ
 ማዔቲ ዓይጎ ታ ዴንቃንዳይ? ሓይቁ ዓሳ ዔቁዎያ ማዔቲ፡-

«ዚሮ ኦ ሓይቃንዳሢሮ

ኦ ሙፖም፥ ዑሽኮም» ጋዓ ዓሶጉዲ ኦ ማዒባይ!

33 ዳቢንቲፖጉቴ፤ «ፑርታ ላጌ ዓሲ ፑፑርቲሳኔ።» 34 ፒዜ ማሊሢ
 ማሉዋቲ፤ ጎሜ ማዲፖጉቴ፤ ዒንሢ ባኦካ" ያኦሲ ዔሩዋ፥ ፔቴ" ፔቴ"
 ዓሲ ዓኦኔ፤ ዬያ ታ ጋዓሢ ስርሶ ዒንሢም ማፖንጎ ጌይኬ።

ሓይባፓ ዔቃ ዑፖ

35 «ሓይቁ ዓሲ ዎይቲ ዔቃይ? ሓይባፓ ዔያታ ዎዚጉዴ
 ዑሢና ዔቃይ?» ጌዒ ያኦጫ ዓሲ ናንዳኔ። 36 ዬይ ዓይጎ
 ዔኤዩሞዳይ! ኦኦኒ ዜርቃ ዜርፃ ጎይይዳ ዎዒባኦቲ ባቃላኒ
 ዳንዳዑዋሴ፤ 37 ኦኦኒ ዜርቃኦና ዛርጌታቴያ ሜሌ" ሜይኮ ዓኦፖማ
 ኔ ሌሊ ዜርቃኦፓዓቲም ባቃሊ ኬሰካ ባኮ ቢያቱዋሴ። 38 ያኦሲ
 ጋዓንቲ ዜርፃሎም ኮዔሢጉዴያ ዑሢ ዒንጋኔ፤ ፔቴ" ፔቴ" ዜርፖም
 ቢያ ዴማ ዴማ ዑሢ ዒንጋኔ።

39 ዓሸኪ ቢያ ዋሊ ማላያቱዋሴ፤ ዓሲ ዓሸኪ ዋሊ ማላያኬ፤ ቆልሞ ዓሸኪ፡ ካፒ ዓሸኪ፡ ሞሎ ዓሸኪ ዲማ ዲማኬ።

40 ዬያጉዲ ጫሪንቺዳ ዓኣ ማዢንቲ ዓኣኔ፤ ሳዖይዳ ዓኣ ማዢንቲ ዓኣኔ፤ ጋዓንቲ ጫሪንጫ ዓኣ ማዢንቶኮ ቦንቻ ዋሊ ማላያኬ፤ ሳዖይዳ ዓኣ ማዢንቶኮ ቦንቻ ዲማኬ። 41 ዓቢ ማላ ፔቴ"ኬ፤ ዓገሲ ማላ ዲማኬ፤ ሃሣ ዡኦጋሢኮዋ ማላሢ ዲማ ዲማኬ፤ ዋይቲ ጌዔቴ ፔቴ" ዡኦጋኮ ማላሢ ማላ" ዡኦጋይዳፓ ዲማታሢሮኬ።

42 ሓይቢፓ ዔቃ ዓሳ ያዲ ማዓንዳኔ፤ ሃይቂ ዋዓ ዑሢ ማኣዒ ዲኡቲሢ ዋዑዋና ናንገና ናንጋ ዑሢ ማኣዒ ዔቃንዳኔ፤

43 ሚዛጵዋያ ማዒ ዲኡቲሢ ሚዛጵ ዔቃንዳኔ፤ ላቤ"ያ ማዒ ዲኡቲሢ ዋልቁና ዓኣያ ማዒ ዔቃንዳኔ፤ 44 ዓሲ ዑሢና ዓኣያ ማዒ ዲኡቲሢ ዓያና ዑሢ ዓኣያ ማዒ ዔቃንዳኔ። ዓሲ ዑሢ ዓኣያ ማዒ ዔቃና ዑሢ ዓኣያ ጌይሢኬ። 45 ዬያሮ፡ «ቤርታሳ ዓሢ፡

ዓዳኣሜ ሽምፖና ዓኣ ዓሲ ማዔኔ» ጌይንቲ ፃኣፒንቲኔ፤ ገንፃኣ ዓዳኣሜ፡ ኪሪሰቶሴ ጋዓንቲ ሽምፖ ዒንጋ ዓያና ማዔኔ። 46 ጋዓንቲ ቤርታ ሙኬሢ ዓሰ ዑያና ዓኣሢ ማዓንዳኣፓዓቲም ዓያናሲቲዋሴ፤ ዓያናሲ ሙኬሢ ዓሰ ዑያና ዓኣሢኮ ገንፃፓኬ። 47 ቤርታኣ ዓሢ፡ ዓዳኣሜ ዓጨዳፓ ማዢንቲ ሓያ ዓጮ" ዓሲኬ፤ ለምዓሳ ዓሢ ሙኬሢ ጫሪንጫፓኬ። 48 ሓያ ሳዖሮ ማዔዘንሢ ሳዓፓ ማዢንቲሢ ጉዲኬ፤ ጫሪንጫሮ ማዔ ዓሳ ጫሪንጫሲ ማላያኬ። 49 ኦኡኮ ዑፃ ሳዖ ዓሢሲ ማላሢጉዲ፡ ጫሪንጫ ዓሢሲያኣ ማላንዳኔ።

50 ታ ዒሾንሦ! ታ ሚሾንሦ! ታ ዒንሢም ኬኤዘም፤ ዓሲ ዓኣ ጎይዖ ዓኣዖ ዖኣሲ ካኣቲሞይዳ ጌላኒ ዳንዳዑዋሴ፤ ዬያጉዲ ባይቃ ዑፃ ባይቁዋ ዑፃ ዳካላዓኬ።

51 ዓካሪ ፔቴ" ዓኣሺንቲ ባኣዚ" ታ ዒንሢም ኬኤዘም፤ ኦኡኒ ቢያሢ ሓይቃዓኬ፤ ጋዓንቲ ቢያሢ ኦ ላኣሚንታንዳኔ፤ 52 ኦኡኒ ላኣሚንታንዳሢ ጋፒንሢ ዛያ ዋርቂንታዛ ዓኣፒ ገኢጳማጉዲ ዔርቲባኣንቲኬ፤ ዛያ ዋርቂንታንዳኔ፤ ዬማና ሓይቁ ዓሳ ባይቁዋያ፡ ናንገና ናንጋያ ማዒ ዔቃንዳኔ፤ ኦኡኒ ጌይዖ፡ ሓይቁባኣዖ ዓኣ ዓሳ ላኣሚንታንዳኔ። 53 ዓይጎሮ ጌዔቴ ሃይ፡ ባይቃ ዑፃ ባይቁዋ ዑሢና ሓይቃ ዑፃ ሓይቁዋ ዑሢና ላኣሚንታንዳያ ኮይሳኔ። 54 ባይቃ ዑፃ ባይቁዋኣሢ፡ ሃይ፡ ሓይቃ ዑፃ ሓይቁዋኣሢ ማኣዓ ዋዶ"ና «ሓይቢ ባሺንቲኔ!» ጌይንቲሢ ኩማንዳኔ። 55 ዬያጉዲ፡

«ሓይቢዮ! ኔ ባሻሢ ዋካዳይ? ዓሰ ኔ ጫርጋ ዋልቃ ኔኤኮ ዓንካይዳ?»

ጌይንቲ ፃአፒንቴኔ። 56 ሐይቢኮ ዓሲ ጨርጎ ዋልቃ ጎሜኬ፤ ጎሜኮ ዋልቃ ሃሣ ዋንኬ። 57 ጋዓንቴ ኑ ጎዳሢ ዬሱሰ ኪሪሰቶሴ ዛሎ"ና ባሽሢ ኑም ዒንጋ ፆኦዛሢም ጋላታ ሄሎንጎ።

58 ዬያሮ ታ ዒንሢ ናሽካ፥ ታ ዒሾንሦ! ታ ሚሾንሦ! ደዲ ዔቁዋቴ፤ ዓይጎ ባአዚ"ናአ ሴካ ሃንጋ ጌዒ ዓገደፖፕቴ፤ ጎዳ ማዶ" ማዶኒ ዒንሢ ላቢ"ንታሢ ጉሪ ማዒባአሢ ዔሪ፥ ቢያ ዋዴ ጎዳ ማዶ" ደዲ ማዶፍዋቴ።

16

ዬሩሳላሜይዳ ዓአ ኪሪሰቶሴ ጉሙርቃ ዓሶም ኬሶ"ና ሚኢሾ

1 ኪሪሰቶሴ ጉሙርቃ ዓሶም ኬሶ"ንታ ሚኢሾ ዛሎ"ኮ ጋላቲያ ዓጫ" ዓአ፥ ኪሪሰቶሴ ጉሙርቃ ዓሶም ታ ዓይሢ ጎይያ፥ ዒንሢያ ያዲ ማዶፍዋቴ። 2 ታአኒ ሙኬም ዒንሢ ሚኢሾ ኬሶ"ዋጉዲ፤ ቃልሾ ኬሎ" ጋራ ቢያ ወዴ ወዴ ፔቴ" ፔቴ"ሢ ሚኢሾ ዴንቃ ጎይያ ሚኢሾፓ ፔኤኮ ዴማሲ ኬሶ" ኬሶ" ጌሦንጎ። 3 ታአኒ ዒንሢ ኮይላ" ሙካዖ ዒንሢ ዶኦራንዳ ዓሳ፥ ሚኢሾ ዬሩሳላሜ ዔኪ ዓአዳንዳጉዲ ዋርቃታ ፃአፒ ዔያቶና ዳካንዳኔ። 4 ታ ዓአዳንዳያ ኮይሳያ ማዔቴ ታአና ዋላ" ዔያታ ዓአዳንዳኔ።

ጳውሎሴ ማሌ ማሊያ

5 ማቄዶኒያ ጊዴና ጌዒ ዓአዳኒ ታ ማሌሢሮ ዒኢና ዓአዳያ ዒንሢ ኮይላ" ታ ሙካንዳኔ። 6 ታአኒ ዴንዳ ቤዘ ቢያኮ ጎይያም ማዓ ማአዶ ዒንሢ ታአም ማዳንዳጉዲ ጎያንቴ ታ ዒንሢ ኮራ ዴዒ፥ ባርጎዋታ ዒኢካ ዓአሣንዳያ ናንዳኔ፤ 7 ሐሢ ዴንዶ ዴንዳያ ታ ዒንሢ ዳካ"ና ዘጋንቲዋንቴ ጎዳ ጌዔቴ ዳካ" ያዶሲ ዋዴ ታ ዒንሢና ዴዓንዳኔ ጌዒ ሃጊ ማዓንዳ ዋዘ ታ ጌሣኔ። 8 ጋዓንቴ ጴንዩቆሰዴ ጌይንታ ቦንቾ ኬሎ" ሄላ"ንዳአና ዔፕሶኔይዳ ታ ዴዓንዳኔ። 9 ዓይጎሮ ጌዔቴ ሚርጌ ማዶኮ ካራ ታአም ቡሊ"ንቴ፤ ታና ዒዲ ማካ ዓሳ ጋዓንቴ ሚርጌኬ።

10 ዲምቴዎሴ ዒንሢ ኮይላ" ሙኬቴ ሂርጋ ባአያ ዒንሢ ኮይላ" ዒ ዴዓንዳጉዲ ዒዛ ማአዳ"ዋቴ፤ ዓይጎሮ ጌዔቴ ዒዚ ታጉዲ ጎዳ ዬሱሴ ዓይሢ ማዶ" ማዶያታሢሮኬ። 11 ዬያሮ ያኦኒያ ዒዛ ቦሁዋጉዲ፤ ዒዚ ዒሾንሢና ዋላ" ታ ኮራ ማዒ ሙካንዳኔ ጌዒ

15:55 ሆሴ. 13፥14። 16:1 ሮሜ 15፥25-26። 16:5 ዳኪ. ማዶ" 19፥21። 16:8 ሊዋ. ዓክ 23፥15-21፤ ላሚ. ዋማ 16፥9-11። 16:9 ዳኪ. ማዶ" 19፥8-10። 16:10 1ቆሮ. 4፥17።

ታ ካፓያተሠረ። ታ ኮይላ" ዒ ኮሺና ሙካንዳጉዲ ጎይዎኮ ዒ ዛም ኮይሳ ሳኣዚ" ማእዲ"ሢና ዋዛሲ ዳኩዋቴ።

12 ኑ ዒሻሢ ዓጺሎሴ፣ ሜሌ" ዒሸንሢና ዋላ" ዒንሢ ኮይላ" ዓኣዳንዳጉዲ ሚርጌና ታ ሺኢቁንቴ ዒዚ ሃሢ ዒንሢ ኮይላ" ሙካኒ ዳንዳዒባኣሴ፤ ዒዛም ጌኢጌ ዋዳና ጋዓንቴ ዒንሢ ኮይላ" ዒ ሙካንዳኔ።

ጋፒንሢ ዘሮና ሳራሥሢና

13 ጴጤዋቴ፤ ጉቤ ዒናፓ ኪሪሰቶሴ ጉሙርቁዋቴ፤ ዶዶዋቴ፤ 14 ዒንሢ ማዳ ባኮ ቢያ ናሹሞና ማዳዋቴ።

15 ታ ዒሸንሢ! ታ ሚሸንሢ! ዒሰዲፓናሴ ማእሮ ዓሳ ዓካይያይዳ ቤርታሲ ኪሪሰቶሴ ጉሙርቁ ዓሲ ማዕሢና ያኦሲ ዓሶ ማእዲ"ኒ ዒናፓ ናሽካያ ማዕሢ ዒንሢ ዔራኔ። 16 ዬያቶዶ ዓሶና ዔያቶና ዋላ" ማዲ ማዲ ላባዘ"ንሢም ቢያ ዒንሢ ዓይሢንታንዳጉዲ ታ ኬኤዛኔ።

17 ዒሰዲፓናሴንታ ፔርዶናዎሴንታ ዓካይቆሴንታ ትኮራ ሙኬሢረ ታ ኮሺ" ዋዛዳኔ፤ ዓይጎሮ ጌዔቴ ዒንሢ ታ ኮይላ" ባኣያ ማዒያና ታኣም ፓጤፍ ባኮ ዔያታ ኩንሢኔ። 18 ዔያታ ታናንታ ዒንሢንታኮ ዒኖ ሃውሺሴኔ። ዬያሮ ዬኖጉዶ ዓሳ ጋዓ ባኮ ዋይዙዋቴ።

19 ዒሲያ ዓጮ"ይዳ ዓኣ፣ ኪሪሰቶሴ ጉሙርቁ ዓሳ ዒንሢ «ኮሺዳ?» ጋዓኔ፤ ሃሢ ዓቁላና ጲሪሰቁላና ዬያጉዲ ዔያቶ ማእራ ቡኪንታ፣ ኪሪሰቶሴ ጉሙርቁ ዓሳ ቢያ ጎዳ ዬሱሴ ሱንያና ሚርጌና ዒንሢ «ኮሺዳ?» ጌዔኔ። 20 ሓይካ ዓኣ፣ ኪሪሰቶሴ ጉሙርቁ ዓሳኣ ቢያ ዒንሢ «ኮሺዳ?» ጋዓኔ፤ ዋሊኮ ጌርሲንሢጉዲ፣ ናሹሞና ሄርቁ ሄርቁ ዋሊ ዔኤሉ"ዋቴ።

21 ታኣኒ፣ ጳውሎሴ ሓያ ሳራሢያ ኪኢቶ" ዒንሢም ታ ኩቻ ያኣፔያኬ።

22 ጎዳ ናሽኩዋ ዓሲ ዓኣቶ ጋዳንቁንቴያ ማዎንጎ፤ ኑ ጎዳሢዮ፣ ሙኬ!"*

23 ጎዳ ዬሱሴኮ ኮሹማ ዒንሢና ዋላ" ማዎንጎ።

24 ዬሱሴ ኪሪሰቶሴ ሱንያና ዒንሢ ቢያሢ ታ ናሽካኔ።

16:15 1ቆ. 1፡16። 16:19 ዳኪ. ማዶ" 18፡2። * 16:22 ጎዳሢዮ ሙኬ!"፡- ጋዓዛ ዓራማይኬ ሙኡቕና «ማእራናታ!» ጌይንታኔ።

ጌጌዥ ማግኔግ
The Holy Bible in the Maale language of Ethiopia,
using Ethiopic script

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929